


廣文選


五十五之六十八



			漢書門
一	一	七	一〇八
二	二	九	五
冊	架	函	號類

庫文閣內			
三		一	漢
六		一〇	書
一		八	
函		五	
八		九	
架		號	類

內閣文庫			
番號	漢	11085	
冊數	12(10)		
函號	361	38	





廣文選卷第六十五



明通議大夫都察院右副都御史大庾劉節廣

過秦論

賈誼

淺草文庫

秦并兼諸侯山東三十餘郡繕津關據險塞脩甲兵而守之然陳涉以戍卒散亂之衆數百奮臂大呼不用弓戟之兵鉏耨白挺望屋而食橫行天下秦人阻險不守關梁不固長戟不刺疆弩不射楚帥深入戰於鴻門曾無藩籬之艱於是山東大擾諸侯並起豪俊相立秦使章邯將而東征章邯因以三軍之衆要市於外以謀其上群臣不信可見於此矣子嬰立遂不寤籍使子嬰有庸主之才僅得中佐山東雖亂秦之地可全而有宗

廟之祀未當絕也秦地被山帶河以爲固四塞之國也
自繆公以來至於秦王二十餘君嘗爲諸侯雄豈世世
賢哉其勢居然也且天下常同心并力而攻秦矣當此
之世賢智並列良將行其師賢相通其謀然困於阻險
而不能進秦乃延入戰而爲之開關百萬之徒逃北而
遂壞豈勇力智慧不足哉形不利勢不便也秦小邑并
大城守險塞而軍高壘毋戰閉關據阨荷戟而守之諸
侯起於匹夫以利合非有素王之行也其交未親其下
未附名爲亡秦其實利之也彼見秦阻之難犯也必退
師安土息民以待其敝收弱扶疲以令大國之君不患
不得意於海內貴爲天子富有天下而身爲禽者其數
敗非也秦王足已不問遂過而不變二世受之因而不

改暴虐以重禍子嬰孤立無親危弱無輔三主惑而終
身不悟亡不亦宜乎當此時也世非無深慮知化之上
也然所以不敢盡忠拂過者秦俗多忌諱之禁忠言未
卒於口身爲戮矣故使天下之士傾耳而聽重足而
立箝口而不言是以三主失道忠臣不敢諫智士不敢
謀天下已亂姦不上聞豈不哀哉先王知壅蔽之傷國
也故置公卿大夫士以飾法設刑而天下治其疆也禁
暴誅亂而天下服其弱也五伯征而諸侯從其削也內
守外附而社稷存故秦之盛也繁法嚴刑而天下振及
其衰也百姓怨而海內畔矣故周王序得其道而千餘
歲不絕秦本末並失故不長久由此觀之安危之統相
去遠矣野諺曰前事不忘後事之師也是以君子爲國

觀之上古驗之當世參以人事察盛衰之理審權勢之宜去就有序變化應時故曠日長久而社稷安矣

過秦論

賈誼

秦并海內兼諸侯南面稱帝以養四海天下之士斐然鄉風若是者何也曰近古之無王者久矣周室卑微五霸既歿今不行於天下是以諸侯力攻疆侵弱衆暴寡兵革不休士民罷敝今秦南面而王天下是上有天子也既元元之民冀得安其性命莫不虛心而仰上也當此之時守威定功安危之本在於此矣秦王懷貪鄙之心行自奮之智不信功臣不親士民廢王道立私權禁文書而酷刑法先詐力而後仁義以暴虐爲天下始夫并兼者高詐力安定者貴順權此言取與守不同術也

秦戰國而王天下其道不易其政不改是其所以取之守之者異也孤獨而有之故其亡可立而待借使秦王計上世之事並殷周之迹以制御其政後雖有淫驕之主而未有傾危之患也故三王之建天下名號顯美功業長久今秦三世立天下莫不引領而觀其政夫寒者利裋褐而饑者甘糟糠天下之謦謦新主之資也此言勞民之易爲仁也鄉使二世有庸主之行而任忠賢臣主一心而憂海內之患縞素而正先帝之過裂地分民以封功臣之後建國立君以禮天下虛囹圄而免刑戮除去收帑汗穢之罪使各反其鄉里發倉廩散財幣以振孤獨窮困之士輕賦少事以佐百姓之急約法省刑以持其後使天下之人皆得自新更節脩行各慎其

身塞萬民之望而以威德與天下天下集矣即四海之內皆謹然各自安樂其處唯恐有變雖有狡猾之民無離上之心則不執之臣無以飾其智而暴亂之奸止矣二世不行此術而重之以無道壞宗廟與民更始作阿房宮繁刑嚴誅吏治刻深賞罰不當賦歛無度天下多事吏弗能紀百姓困窮而主弗收恤然後姦偽並起而上下相遁蒙罪者衆刑戮相望於道而天下苦之自君卿以下至于衆庶人懷自危之心親處窮苦之實咸不安其位故易動也是以陳涉不用湯武之賢不藉公侯之尊奮臂於大澤而天下響應者其民危也故先王見始終之變知存亡之機是以牧民之道務在安之而已天下雖有逆行之臣必無響應之助矣故曰安民可與行義而危民易與爲非此之謂也

六家指要論

司馬談

易大傳天下一致而百慮同歸而殊塗夫陰陽儒墨名法道德此務爲治者也直所從言之異路有省不省耳嘗竊觀陰陽之術大詳而衆忌諱使人拘而多所畏然其敘四時之大順不可失也儒者博而寡要勞而少功是以前其事難盡從然其叙君臣父子之禮列夫婦長幼之別不可易也墨者儉而難遵是以前其事不可徧循難盡用然其疆本節用不可廢也法家嚴而少恩然其正君臣上下之分不可改也名家使人儉而善失真然其正名實不可不察也道家使人精神專一動合無形其是萬物其爲術也因陰陽之大順采儒墨之善撮名法

之要與時遷徙應物變化立俗施事無所不宜指約而
易操事少而功多儒者則不然以爲人主天下之儀表
也君唱臣和主先臣隨如此則主勞而臣佚至於大道
之要去健羨絀聰明釋此而任術夫神大用則竭形大
勞則敝形神騷衰欲與天地長久非所聞也夫陰陽四
時八位十二度二十四節各有教令曰順之者昌逆之
者亡未必然也故曰使人拘而多畏夫春生夏長秋收
冬藏此天道之大經也弗順則無以爲天下綱紀故曰
四時之大順不可失也夫儒者以六藝爲法六藝經傳
以千萬數累世不能通其學當年不能究其禮故曰博
而寡要勞而少功若夫列君臣父子之禮序夫婦長幼
之別雖百家不能易也墨者亦上堯舜道言其德行曰

堂高三尺土階二等茅茨不翦採椽不斷食土簋歡土
刑梟梁之食藜藿之羹夏曰葛衣冬曰鹿裘其送死桐
棺三寸與土不蓋其哀教喪禮必以此爲萬民之率使
天下法若此則尊卑無別也夫世異時移事業不必同
故曰儉而難進莫自強本節用則人給家足之道也此
墨子之所長雖百家不能廢也法家不別親疎不殊貴
賤一斷於法則親親尊尊之恩絕矣可以行一時之計
而不可長用也故曰嚴而少恩若尊主卑臣明分職不
得相踰越雖百家不能改也名家苛察繳繞使人不得
反其意剗決於名時而失人情故曰使人儉而善失直
若夫控名責實參伍不失此不可不察也道家無爲又
曰無不爲其實易行其辭難知其術以虛無爲本以因

循爲用無成勢無常形故能究萬物之情不爲物先不
爲物後故能爲萬物主有法無法因時爲業有度無度
因物與合故曰聖人不朽時變是守虛者道之常也因
者君之綱也羣臣並至使各自明也其實中其聲者謂
之端實不中其聲者謂之款款言不聽姦乃不生賢不
肖自分白黑乃行在所欲用耳何事不成乃合大道混
混冥冥光耀天下復反無名凡人所生者神也所託者
形也神大用則竭形大勞則敝形神離則死死生者不可
復生離者不可復反故聖人重之由此觀之神者生之
本也形者生之具也不先定其神形而曰我有以治天
下何由哉

鹽鐵雜論

五種覽

竊曰余觀鹽鐵之義觀乎公卿文學賢良之論意指殊
路各有所出或上仁義或務權利異哉吾所聞周秦燦
然皆有天下而南面焉然安危長久殊世始汝南朱子
伯爲予言當此之時豪俊並進四方輻湊賢良茂陵唐
生文學魯萬生之倫六十餘人咸聚闕庭舒六藝之諷
論太平之原智者贊其慮仁者明其施勇者見其斷辯
者陳其詞閭閻焉侃侃焉雖未能詳備斯可畧觀矣然
蔽於雲霧終廢而不行悲夫公卿知任武可以辟地而
不知德廣可以附遠知權利可以廣用而不知稼穡可
以富國也近者親附遠者說德則何爲而不成何求而
不得不出於斯路而附畜利長威豈不謬哉中山劉子
雍言王道矯當世復諸正務在乎反本直而不徼切而

不燦斌斌然斯可謂弘博君子矣九江祝生奮路之意推史魚之節發憤懣刺譏公卿介然直而不撓可謂不畏強禦矣桑大夫據當世合時變推道術尚權利辟畧小辯雖非正法然巨儒宿學惡然大能自解可謂博物通士矣然攝卿相之位不引準繩以道化下放於利末不師始古易曰焚如棄如處非其位行非其道果隕其性以及厥宗車丞相即周魯之列當輒處中括囊不言容身而去彼哉彼哉若夫辭不從命不能正議以輔宰相成同類長同行阿意苟合以說其上斗筭之人道諛之徒何足算哉

騾騎論功

吾丘子贛

騾騎將軍霍去病征匈奴立克勝之功壽作士大夫

之論稱武帝之德曰士或問於大夫曰側聞強秦之用兵也南不踰五嶺北不渡大河海內愁怨以喪其國漢興六十餘載矣命將師以抗憤用干戈於四荒南排朱崖北建朔方東越滄海西極河源拓地萬里海內晏然鄙人不識敢問其蹤大夫曰昔秦之得天下也以力而不以德以詐而不以誠內用商鞅李斯之謀外用白起王翦之兵窺閒伺隙既并海內之後以威力為至道以權詐為要術遂非唐突虞絕滅舊章防禁文學行是古之戮嚴誹謗之謀十餘年遂滂沲而盈溢是故皇天疾滅更命大漢反秦政務在敦厚至今六世可謂富安天子文明四夷向風徒觀朝廷下僚門戶之士謀如涌泉動如駭機皆能安中國吞四夷君臣若茲何慮而不成

何征而不剋雖拔泰山填滄海可也

前史得失論

班叔皮

論曰唐虞三代詩書所及世有史官以司典籍暨於諸侯國自有史故孟子曰楚之檮杌晉之乘魯之春秋其事一也定哀之間魯君子左丘明論集其文作左氏傳三十篇又撰異同號曰國語二十篇由是乘檮杌之事遂闡而左氏國語獨章又有記錄黃帝以來至春秋時帝王公侯卿大夫號曰世本二十五篇春秋之後七國並爭秦并諸侯則有戰國策三十三篇漢興定天下太中大夫陸賈記錄時功作楚漢春秋九篇孝武之世太史令司馬遷採左氏國語刪世本戰國策據楚漢列國時事上自黃帝下訖獲麟作本紀世家列傳書表凡百

三十篇而十篇缺焉遷之所記從漢元至武以絕則其功也至於採經摭傳分散百家之事甚多踈略不如其本務欲以多聞廣載為功論議淺而不篤其論術學則崇黃老而薄五經序貨殖則輕仁義而羞貧窮道游俠則賤守節而貴俗功此其大敝傷道所以遇極刑之咎也然善述事理辯而不華質而不俚文質相稱蓋良史之才也誠令遷依五經之法言同聖人之是非意亦庶幾矣夫百家之書猶可法也若左氏國語世本戰國策楚漢春秋太史公書今之所以知古後之所由觀前聖人之耳目也司馬遷序帝王則曰本紀公侯傳國則曰世家卿士特起則曰列傳又進項羽陳涉而黜淮南衡山細意委曲條例不經若遷之著作採獲古今貫穿經

傳至廣博也一人之精文重思煩故其書刊落不盡尚有盈辭多不齊一若序司馬相如舉郡縣著其字至蕭曹陳平之屬及董仲舒並時之人不記其字或縣而不郡者蓋不暇也今此後篇慎覈其事整齊其文不爲世家唯紀傳而已傳曰殺史見極平易正直春秋之義也

潛夫論

王節信

貴忠篇

夫帝王之所尊敬者天也皇天之所愛育者人也今人臣受君之重位牧天之所愛焉可以不安而利之養而濟之哉是以君子任職則思利人達上則思進賢故居上而下不怨在前而後不恨也書稱天工人其代之王者法天而建官故明主不敢以私授忠臣不敢以虛

竊人之財猶謂之盜况偷天官以私已乎以罪犯人必加誅罰况乃犯天得無咎乎夫五代之臣以道事君澤及草木仁被率土是以福祚流衍本支百世季世之臣以諂媚主不思順天專仗殺伐白起蒙恬秦以爲功天以爲賊息夫董賢主以爲忠天以爲盜易曰德薄而位尊智小而謀大鮮不及矣是故德不稱其禍必酷能不稱其殃必大夫竊位之人天奪其鑿雖有明察之資仁義之志一旦富貴則背親捐舊喪其本心踈骨肉而親便辟薄知友而厚犬馬寧見朽貫千萬而不忍貸人一錢情知積粟腐倉而不忍貸人一斗骨肉怨望於家細人謗讟於道前人以敗後爭襲之誠可傷也歷觀前政貴人之用心也與嬰兒子何其異哉嬰兒有常病貴人

有常禍父母有常失人君有常過嬰兒常病傷於飽也
貴臣常禍傷於寵也哺乳多則生癩富貴盛而致驕疾
愛子而賊之驕臣而滅之者非一也極其罰者乃有仆
死深牢銜刀都市豈非無功於天有害於人者乎夫鳥
以山爲埤而增巢其上魚以泉爲淺而穿穴其中卒所
以得者餌也貴戚願其宅吉而制爲令名欲其門堅而
造作鐵樞卒其所以敗者非苦禁忌少而門樞朽也常
苦崇財貨而行驕僭耳不上順天心下育人物而欲任
其私智竊弄君威反戾天地欺誣神明居累卵之危而
圖太山之安爲朝露之行而思傳世之功豈不惑哉豈
不惑哉

浮侈篇

王者以四海爲家兆人爲子一夫不耕天下受其饑
婦不織天下受其寒今舉俗舍本農趨商費牛馬車輿
填塞道路游手爲巧充盈都邑務本者少浮食者衆商
邑翼翼四方是極今察洛陽資末業者則一夫耕百人
食之一婦桑百人衣之以一奉百孰能供之天下百郡
千縣市邑萬數類皆如此本末不足相供則民安得不
饑寒並至則民安無姦軌姦軌繁多則吏無嚴酷嚴酷
數加則下安能無愁怨愁怨者多則谷徵並臻下民無
聊而上天降災則國危矣夫貧生於富弱生於疆亂生
於化危生於安是故明主之養民憂之勞之教之誨之
慎微防萌以斷其邪故易美節以制度不傷財不害民
七月之詩大小教之終而復始由此觀之人固不可恣

也今人奢衣服侈飲食事口舌而習調欺或以謀姦合
任爲業或以游博持掩爲事丁夫不扶犁鋤而懷九挾
彈携手上山遨遊或好取士作丸賣之外不足禦寇盜
力不足禁鼠雀或作泥車瓦狗諸戲弄之具以巧詐小
兒此皆無益也詩刺不績其麻市也婆婆又婦人不脩
中饋休其蠶織而起學巫祝鼓舞事神以欺誣細民焚
惑百姓妻女羸弱疾病之家懷憂憤憤易爲恐懼至使
奔走便時去離正宅崎嶇路側風寒所傷姦人所利盜
賊所中或增禍重崇至於死亡而不知巫所欺誤反恨
事神之晚此妖妄之甚者也或刻畫好繪以書祝詞或
虛飾巧言希致福祚或縻折金綵令廣分寸或斷截髮
縷統帶手腕或裁切綺縠縫衣成縗皆卑費百練用功
千倍破牢爲僞以易就難坐食嘉穀消損白日夫山林
不能給野火江海不能實漏卮皆所宜禁也昔孝文皇
帝躬衣弋綈革鳥韋帶而今京師貴戚衣服飲食車輿
廬第奢過王制固亦甚矣且其徒御僕妾皆服文組綵
牒錦繡綺紈葛子升越笄中女布犀象珠玉虎魄瑋瑁
石山隱飾金銀錯鏤窮極麗美轉相誇詫其嫁娶者車
駟數里緹帷竟道騎奴侍童夾轂並引富者競欲相過
貧者耻其不逮一饗之所費破終身之業古者必有命
然後乃得衣繒絲而乘車馬今雖不能復古宜令細民
略用孝文之制古之葬者厚衣之以薪葬之中野不封
不樹喪期無數後世聖人易之以棺槨桐木爲棺葛采
爲緘下不及泉上不泄臭中世以後轉用楸梓槐栢柁

樗之屬各因方士裁用膠漆使其堅足恃其用足任如此而已今者京師貴戚必欲江南櫛梓豫章之木邊遠下土亦競相放效夫櫛梓豫章所出殊遠伐之高山引之窮谷入海乘淮逆河沂洛工匠雕刻連累日月會衆而後動多牛而後致重且千斤功將萬夫而東至樂浪西達敦煌費力傷農於萬里之地古者墓而不墳中世墳而不崇仲尼喪母冢高四尺遇雨而崩弟子請修之夫子泣曰古不修墓及鯉也死有棺無槨文帝葬芷陽明帝葬洛陽皆不藏珠寶不起山陵墓雖卑而德最高今京師貴戚郡縣豪家生不極養死乃崇喪或至金縷王匣櫛梓梗柎多理珍寶偶人車馬造起大冢廣種松栢廬舍祠堂務崇華侈案鄧綰之陵南城之冢周公作不忠曾子非不孝以爲褻君愛父不在於聚財揚名顯親無取於車馬昔晉靈公多賦以雕牆春秋以爲不君華元樂舉厚葬文公君子以爲不臣况於羣司士庶乃可僭侈主上過天道乎

實貢篇

國以賢興以諂衰君以忠安以佞危此古今之常論而時所共知也然衰國危君繼踵不絕者豈時無忠信正直之士哉誠苦其道不得行耳夫十步之間必有茂草十室之邑必有忠信是故亂殷有三仁小衛多君子今以大漢之廣土士民之繁庶朝廷之清明上下之脩正而官無善吏位無良臣此時之無良諒由取之乖實天志道者少與逐俗者多疇是以朋黨用私背實趨華其

貢士者不復依其質幹準其才行但虛造聲譽妄生羽翼略計所舉歲且二百覽察其狀則德侔顏冉詳覈厥能則鮮及中人皆總務升官自相推達夫士者貴其用也不必求備故四友雖美能不相兼三仁齊致事不節高祖佐命出自亡秦光武得士亦資暴莽况太平之時而云無士乎夫明君之詔也若聲忠臣之和也如響長短大小清濁疾徐必相應也且攻玉以石洗金以鹽濯錦以魚浣布以灰夫物固有以賤理貴以醜化好者矣智者棄短取士以致其功今使貢士必覈以實其有小疵勿疆衣飾出處默語各因其方則蕭曹周韓之倫何足不致吳鄧良寶之屬企踵可待孔子曰未之思也夫何遠之有

愛日篇

國之所以爲國者以有民也民之所以爲民者以有穀也穀之所以豐植者以有民功也功之所以能建者以日力也化國之日舒以長故其民閑暇而力有餘亂國之日促以短固其民困務而力不足舒長者非謂羲和安行乃君明民靜而力有餘也促短者非謂分度損減乃上闇下亂力不足也孔子稱既庶則富之既富乃教之是故禮義生於富足盜賊起於貧窮富足生於寬暇貧窮起於無日聖人深知力者民之本國之基也故務省徭役使之愛日是以堯勅羲和欽若昊天敬受民時明帝時公車以反支日不受章奏帝聞而恠曰民廢農桑遠來詣闕而復拘以禁忌豈爲政之意乎於是遂蠲

其制令寬民仰希申訴而令長以神自畜百姓廢農桑而趨府廷者相續道路非朝餽不得通非意氣不得見或連日累月更相瞻視或轉請隣里饋糧應對歲功既虧天下豈無受其饑乎孔子曰聽訟吾猶人也從此言之中才以上足議曲直鄉亭部吏亦有任決斷者而類多枉曲蓋有故焉夫理直則持正而不撓事曲則詭意以行昧不撓故無恩於吏行昧故見私於法若事有反覆吏應坐之吏以應坐之故不得不枉之於廷以羸民之少黨而與豪吏對訟其勢得無乎縣丞吏言蔽與之同若事有反覆縣亦應坐之縣以應坐之故而排之於郡以一民之輕與一縣為訟其理豈得申乎事有反覆郡亦坐之郡以共坐之故而排之於州以一民之輕與一郡為訟其事豈得申乎既不肯理故乃遠詣府復不能察而當以日月貧弱者無以曠旬疆富者可盈千日理訟若此何枉之能理乎正士懷怨結而不見信猾吏崇姦軌而不被坐此小民所以易侵苦而天下所以多困窮也且除上天感痛致災但以人功見事言之自三府州郡至于鄉縣典司之吏詞訟之民官事相連更相檢對者日可有十萬人一人有事二人經營是為日三十萬人廢其業也以中農率之則是歲三百萬人受其饑者也然則盜賊何從而銷太平何由而作乎詩云莫肯念亂誰無父母百姓不足君誰與足可無思哉可無思哉

沐救篇

允療病者必知脉之虛實氣之所結然後爲之方故疾可愈而壽可長也爲國者必先知民之所苦禍之所起然後爲之禁故姦可塞而國可安也今日賊良民之甚者莫大於數赦贖赦贖數則惡人昌而善人傷矣何以明之哉夫謹敕之人身不蹈非又有爲吏正直不避疆禦而姦猾之黨橫加誣言者皆知赦之不久故也善人君子被侵怨而能至闕庭自明者萬無數人數人之中得省問者百不過一旣對尚書而空遣去者復什六七矣其輕薄姦軌旣陷罪法怨毒之家異其辜戮以解畜憤而反一槩悉蒙赦釋令惡人高會而誇咤老盜服臧而過門孝子見讎而不得討遭盜者覩物而不敢取痛莫甚焉夫養稂莠者傷禾稼惠姦軌者賊良民書曰文王作罰刑茲無赦先王之制刑法也非好傷人肌膚斷人壽命也貴威姦懲惡除人害也故經稱天命有德五服五章哉天討有罪五刑五用哉詩刺彼宜有罪汝反脫之古者唯始受命之君承大亂之極寇賊姦軌難爲法禁故不得不有一赦與之更新頤育萬物以成大化非以養姦活罪放縱天賊也夫性惡之民民之豺狼雖得宥之澤終無改悔之心且脫重梏夕還囹圄嚴明令尹不能使其斷絕何也凡敢爲大姦者才必有過於衆而能自媚於上者也多散誕得之財奉以諂諛之辭以轉相驅非有第五公之廉直孰不爲顧哉論者多曰久不赦則姦軌熾而吏不制宜數肆管以解散之此未昭政亂之本原不察禍福之所生也

政論

崔子真

自堯舜之帝湯武之王皆賴明哲之佐博物之臣故臯
陶陳謨而唐虞以興伊箕作訓而殷周用隆及繼體之
君欲立中興之功者曷嘗不賴賢哲之謀乎凡天下所
不理者常由人主承平日久俗漸敝而不悟政寢衰而
不改習亂安危快不自覩或荒耽嗜欲不恤萬機或耳
蔽箴誨厭偽忽真或猶豫岐路莫適所從或見信之佐
括囊守祿或踈遠之臣言以賤廢是以王綱縱弛於上
智士鬱伊於下悲夫自漢興以來三百五十餘歲矣政
令垢翫上下怠懈風俗彫敝人庶巧偽百姓囂然咸復
思中興之效矣且濟時拯世之術豈必體堯蹈舜然後
乃理哉期於補綻決壞支柱邪傾隨形裁割要措斯世
於安寧之域而已故聖人執權遭時定制步驟之善各
有云設不疆人以不能背急切而慕所聞也蓋孔子對
葉公以來遠哀公以臨人景公以節禮非其不同所急
異務也是以受命之君每輒創制中興之主亦在時失
其益唐愍殷遷都易民周穆有闕甫侯正刑俗人拘文
牽古不達權制奇偉所聞簡忽所見烏可與論國家之
大事哉故言事者雖合聖德輒見倚奪何者其頑士聞
於時權安習所見不知樂成况可慮始苟云率由舊章
而已其達者或矜名如能耻策非已舞筆奮辭以破其
義寡不勝衆遂見擯弃雖稷契復存猶將困焉斯賈太
之所以排於絳灌屈之所以據其幽憤者也夫以文
帝之明賈生之賢絳灌之忠而有此患况其餘哉故定

量力度德春秋之義今既不能純法八世故宜參以霸
政霸政則宜重賞深罰以御之嗣著法術以檢之自非
上德嚴之則理寬之則亂何以明其然也近孝宣皇帝
明以君人之道審於為政之理故嚴刑峻法破姦執之
膽海內清肅天下密如薦勳祖廟享號中宗章計元文
優於孝文及元帝即位多行寬政卒以墮損威權始
遂為漢室基禍之主政道得失於斯可監昔孔子作春
秋褒齊桓懿晉文歎管仲之功夫豈不美文武之道哉
誠達權救敝之理也故聖人能與世推移而俗士苦不
知變以為結繩之約可復理亂秦之緒干戚之舞足以
解平城之圍夫熊經鳥伸雖延歷之術非傷寒之理呼
吸吐納雖度紀之道非續骨之膏蓋為國之法有以理

身平則致養疾則攻焉夫刑罰者治亂之藥石也德教
者興平之梁肉也夫以德教除殘是以梁肉理疾也以
刑罰理平是以藥石供養也方今承百王之敝值危運
之會自數世以來政多恩貸馭委其轡馬駘其銜四牡
橫奔皇路險傾方將掛勒鞅鞞以救之豈暇鳴和鑿清
節奏哉昔高祖令蕭何作九章之律有夷三族之令黥
劓斬趾斷舌梟首故謂之五刑文帝雖除肉刑當劓
者笞二百當斬左趾者笞五百當斬右趾者弃市右趾
者既損其命笞撻者往往至死雖有輕刑之名其實殺
也當此之時民皆思復肉刑至景帝元年乃下詔曰笞
與重罪無異幸而不死不可為民心定律減笞輕捶自
是之後笞者得全以此言之文帝乃重刑非輕之也以

嚴致平非以寬致平也必欲行若 宜大定其本使人
主師五帝而式三王盪亡秦之俗 遵先聖之風弃苟全
之政蹈稽古之蹤復五等之爵立 井田之制然後選稷
契為佐伊呂為輔樂作而鳳凰儀 擊石而百獸舞若不
然則多為累而已

崇厚論

朱公叔

夫俗之薄也有自來矣故仲尼歎曰大道之行也而立
不與焉蓋傷之也夫道者以天下為一在彼猶在已也
故行違於道則愧生於心非畏義也事違於理則負結
于意非憚禮也故率性而行謂之道得其天性謂之德
德性失然後貴仁義是以仁義起而道德遷禮法興而
淳樸散故道德以仁義為薄淳樸以禮法為賊也夫于
世之所敦已為上世之所薄况又薄於此乎故夫天不
崇大則覆情不廣地不深厚則載物不博人不敦龐則
道數不遠昔在仲尼不失在於原壤楚嚴不忍章於絕
纓由此觀之聖賢之德敦矣老氏之經曰大丈夫處其
厚不處其薄居其實不居其華故去彼取此夫時有薄
而厚施行有失而惠用故覆人之過者敦之道也救人
之失者厚之行也往者馬援深昭此道可以為德誠其
兄子曰吾欲汝曹聞人之過如聞父母之名耳可得聞
口不得言斯言要矣遠則聖賢履之上世近則邴吉張
子孺行之漢廷故能振英聲於百世播不滅之遺風不
亦美哉然而時俗或異風化不敦而尚相誹謗謂之賊
否記短則兼折其長貶惡則并伐其善悠悠者皆是其

可稱乎凡此之類豈徒乖爲君子之道哉將有危身累家之禍焉悲夫行之者不知憂其然故害興而莫之及也斯旣然矣又有異焉人皆見之而不能自遷何則務進者趨前而不能顧後榮貴者矜已而不待人智不淺愚富不振貧貞士孤而不恤賢者尼而不存故田蚡以尊顯致安國之金淳于以貴執引方進夫以韓翟之操爲漢之名宰然猶不能振一貧賢薦一孤士况其下者乎此禽息史魚所以專名於前而莫繼於後者也故行敦俗美則小人守正利不誘也時否俗薄雖君子爲我不能止也何則先進者旣往而不及後來者復習俗而追之是以虛華盛而忠信微刻薄稠而純篤稀斯蓋谷風有弃予之歎艾木有爲之悲矣嗚呼世之躬師孔聖之崇則嘉楚言之美行希李老之雅誨思馬援之所尚鄙二宰之失度美韓稜之抗正貴丙張之弘裕賤時俗之誹謗則道豐績盛名顯身榮載不刊之德播不滅之聲然知薄者之不足厚者之有餘也很與草木俱朽此與金石相傾豈得同年而語並日而談哉

絕交論

朱公叔

子絕存問不見客亦不答也何故曰古者無私游之交相見以公朝亨會以禮紀否則朋徒受習而已曰人將疾子如何曰寧受疾曰受疾可乎曰世之務交游也久矣敦千乘不託于君犯禮以追之皆公以從之其愈者則孺子之愛也其甚者則求蔽過竊譽以贍其私事替義退公輕私重居勞於聽也或於道而求其私贍矣是

故遂往不反而莫敢止焉是川瀆並決而莫敢之塞游
積蹂稼而莫之禁也詩云威儀棣棣不可算也後生將
復何述而吾不才焉能規此實悼無行子道多闕臣事
多尤思復白圭重考古言以補往過時無孔堂思兼則
滯匪有廢也則亦焉與是以敢受疾也不亦可乎

廣文選卷第六十五

江都葛澗校

廣文選卷第六十六

明通議大夫都察院右副都御史大庾劉節廣

論二

昌言論

仲公理

理亂篇

豪傑之當天命者未始有天下之分者也無天下之分
故戰爭者競起焉于斯之時並僞假天威矯據方國擁
甲兵與我角才智程勇力與我競雌雄不知去就疑誤
天下蓋不可數也角知者苦窮用力者皆負形不堪復
伉執不足復校乃始羈首繫頸就我之銜繼耳夫或曾
爲我之尊長矣或曾與我爲等儕矣或曾臣虜我矣或
曾勢囚我矣彼之蔚蔚皆句舌腹詛幸我之不成而以

奮其前志詎肯用此爲終死之分邪及繼體之時民心
定矣普天之下賴我而得生育由我而得富貴安居樂
業長養子孫天下晏然皆歸心於我矣豪傑之心旣絕
士民之志已定貴有常家尊在一人當此之時雖下愚
之才居之猶能使恩同天地威侔日月也風疾霆不足
以方其怒陽春時雨不足以喻其澤周孔數千無所復
角其聖賢育百萬無所復奮其勇矣彼後嗣之愚主見
天下莫敢與之違自謂若天地之不可亡也乃奔其私
嗜騁其邪欲君臣宣淫上下同惡目極角觝之觀耳窮
鄭衛之聲入則耽於婦人出則馳於田獵荒廢庶政弃
亡人物澶漫彌流無所底極信任親愛盡佞諂容說之
人也寵貴隆豐者盡后妃姬妾之家也使餓狼守庖厨
饑虎牧牢豚遂至熬天下之脂膏斷生人之骨髓怨毒
無聊禍亂並起中國擾攘四夷侵叛土崩瓦解一朝而
去昔之爲我哺乳之子孫者今盡是我飲血之寇讎也
至於運徙勢去猶不覺悟者豈非富貴生不仁沈溺致
愚疾邪存亡以之迭代政亂從此周復天道常然之大
數也又政之爲理者取一切而已非能斟酌賢愚之分
以開盛衰之數也日不如古彌以遠甚豈不然邪漢興
焉而清潔之士徒自苦於茨棘之間無所益損於風俗
也豪人之室連棟數百膏田滿野奴婢千羣徒附萬計
船車賈販周於四方廢居積貯滿於都城琦賂寶貨巨
室不能容馬牛羊豕山谷不能受妖童美女填乎綺室

倡謳妓樂列乎深堂賓客待見而不敢去車騎交錯而不敢進三牲之肉臭不可食清醇之酎敗而不可飲聘盼則人從其目之所視喜怒則人隨其心之所虜比皆公侯之廣樂君長之厚實也苟運智詐者則得之焉苟能得之者人不以為罪焉源發而橫流路開而四通矣求士之舍榮樂而居窮苦奔放逸而赴束縛夫誰肯而為之者邪夫亂世長而化世短亂世則貴寵君子困賤當君子困賤之時躋高天躋厚地猶恐有鎮厭之禍也逮至清世則復入於矯枉過正之檢老者耄矣不能及寬饒之俗少者方壯將復困於衰亂之時是使姦人擅無窮之福利而善士持不赦之罪辜苟目能辯色耳能辯聲口能辯味體能辯寒溫者將皆以脩潔為諱惡設智巧以避之焉况肯有之者邪斯下世人主一切之愆也昔春秋之時周之亂世也逮乎戰國則又甚矣秦政乘并兼之執放虐之心屠裂天下吞食生人暴虐不已以招楚漢用兵之苦甚於戰國之時也漢二百年而遭王莽之亂計其殘夷滅亡之數又復倍乎秦項矣以及今日名都空而不居百里絕而無民者不可勝數此則又甚於亡新之時也悲夫不及五百年大難三起中間之亂尚不數焉變而彌猜下而加酷推此以往可及於盡矣嗟乎不知來世聖人救此之道將何用也又不知天若窮此之數欲何至邪

損益篇

作有利於時制有便於物者可為也事有乖於數法有

翫於時者可改也故行於古有其迹用於今無其功者不可不變變而不如前易而多所敗者亦不可不復也漢之初興分王子弟委之以士民之命假之以生殺之權於是驕逸自恣志意無厭極魚肉百姓以盈其欲竭蒸骨血以快其情上有篡叛不軌之姦下有暴亂殘賊之害雖籍親屬之恩蓋源流形勢使之然也降爵削土稍稍割奪卒至於坐食俸祿而已然其夸穢之行淫靡之罪猶尚多焉故淺其根本輕其恩義猶尚假一日之尊收士民之用况專之於國擅之於嗣豈可鞭笞此而鞭笞彼哉我所為者平時政雕敝風俗移易純樸已去而惠已來出於禮制之防放於嗜欲之域久矣固不可不以柄假之以資者也是故收其奕世之權校其

之勢善者早登否者早去故下土無壅滯之士國朝無專貴之人此變之善可遂行者也井田之變豪人貨殖館舍布於州郡田畝連於方國身無半通青綸之命而竊三辰龍章之服不為編戶二伍之長而有千室名邑之役榮樂過於封君勢勇侔於守令財賂自營犯法不坐刺客死士為之投命至懦弱力少智之子被穿帷燬寄死不斂寃枉窮困不敢自理雖亦由網禁踈闊蓋分田無限使之然也今欲張太平之紀綱立至化之育趾齊民財之豐寡正風俗之奢儉非井田實莫由也此變有所敗而宜復者也肉刑之廢輕重無品下死則得髡鉗下髡鉗則得鞭笞死者不可復生而髡者無傷於人髡笞不足以懲中罪安得不至於死哉夫鷄狗之攘竊

男女之淫奔酒醴之賂遺謬誤之傷害皆非值於死者也殺之則甚重髡之則甚輕不制中刑以稱其罪則法令安得不參差殺生安得不過謬乎今患刑輕之不足以懲惡則假藏貨以成罪託疾病以諱殺科條無所準名實不相應恐非帝王之通法聖人之良制也或曰過刑惡人可也過刑善人豈可復哉曰若前政以來未曾枉害善人者則有罪不死也是爲忍於殺人也而不忍於刑人也今今五刑有品輕重有數科條有序名實有正非殺人逆亂鳥獸之行甚重者皆勿殺嗣周氏之祕典續呂侯之祥刑此又宜復之善者也易曰陽一君二臣君子之道也陰二君一臣小人之道也然則寡者爲人上者也衆者爲人下者也一伍之長才足以長一伍者也一國之君才足以君一國者也天下之王才足以王天下者也愚役於智猶枝之附幹此理天下之常法也制國以分人立政以分事人遠則難綏事總則難了今遠州之縣或相去數百千里雖多山陵洿澤猶有可居人種穀者焉當更制其境界使遠者不過二百里明版籍以相數閱審什伍以相連持限夫田以斷并兼定五刑以救死亡益君長以興政理急農桑以豐委積去未作以一本業敦教學以移情性表德行以厲風俗覈才藝以叙官宜簡精悍以習師田脩武器以存守戰嚴禁令以防僭差信賞罰以驗懲勸糾遊戲以杜姦邪察苛刻以絕煩暴審此十六者以爲政務操之有常課之有限安寧勿懈墮有事不迫遽聖人復起不能易也向

者天下戶過千萬除其老弱但戶一丁壯則千萬人也
又十取之則佐史之才已上十萬人也又十取之則可
使在政理之位者萬人也以筋力用者謂之人人求丁
壯以才智用者謂之士士貴者老充此制以用天下之
人猶將有儲何嫌乎不足也故物有不求未有無物之
歲也士有不用未有少士之世也夫如此然後可以用
天性究人理興頓廢屬斷絕網羅遺漏拱押天人矣或
曰善爲政者欲除煩去苛并官省職爲之以無爲事之
以無事何子言之云云也曰若是三代不足摹聖人未
可師也君子用法制而至於化小人用法制而至於亂
均法制也或以之化或以之亂行之不同也苟使豺牧
羊豚盜跖主征稅國家昏亂吏人放縱則惡復論損益
之間哉夫人侍君子然後化理國待蓄積乃無憂患君
子非自農桑以求衣食者也蓄積非橫賦歛以取優饒
也奉祿誠厚則割剝貿易之罪乃可絕也蓄積誠多則
兵寇水旱之災不足苦也故由其道而得之民不以爲
奢由其道而取之民不以爲勞天災流行開倉庫以稟
貸不亦仁乎衣食有餘損靡麗以散施不亦義乎彼君
子居位爲士民之長固宜重肉累帛朱輪駟馬今反謂
薄屋者爲高藿食者爲清旣失天地之性又開虛僞之
名使小智居大位庶績不咸熙未必不由此也得拘紮
而失才能非立功之實也以廉舉而以貪去非士君子
之志也夫選用必取善士善士富者少而貧者多祿不
足以供養安能不少營私門乎從而罪之是設機置筭

以待天下之君子也盜賊凶荒九州代作饑饉暴至軍
旅卒發橫稅弱人割奪吏祿所恃者寡所取者猥萬里
縣之首尾不救徭役並起農桑失業兆民呼嗟於昊天
貧窮轉死於溝壑矣今通肥饒之率計稼穡之入令畝
收三斛斛取一斛未為甚多一歲之間則有數年之儲
雖興非法之役恣奢侈之欲廣愛幸之賜猶未能盡也
不循古法規為輕稅及至一方有警一面被災未建三
年校計騫矩坐視戰士之蔬食立望餓殍之滿道如之
何為君行此政也二十稅一名之曰貊况三十稅一乎
夫薄吏祿以豐軍用緣於秦征諸侯續以四夷漢承其
業遂不改更危國亂家此之由也今田無常主民無常
居吏食日稟祿班未定可為法制畫一定科租稅十一
更賦如舊今者土廣民稀中地未懇雖然猶當限以大
家勿令過制其地有草者盡曰官田力堪農事乃聽受
之若聽其自取後必為姦也

法誠篇

周禮六典冢宰二王而理天下春秋之時諸侯明德者
皆一卿為政爰及戰國亦皆然也秦兼天下則置丞相
而二之以御史大夫自高帝建于孝成因而不改多終
其身漢之隆盛是惟在焉夫任一人則政專任數人則
相倚政專則和諧相倚則違戾和諧則太平之所興也
違戾則荒亂之所起也光武皇帝愠數世之失權忿疆
臣之竊命矯枉過直政不任下雖置三公事歸臺閣自
此以來三公之職備員而已然政有不理猶加譴責而

權移外戚之家寵被近習之豎親其黨類用其私人內
充京師外布列郡顛倒賢愚貿易選舉疲駑守境貪殘
牧民撓擾百姓忿怒四夷招致乖叛亂離斯瘼怨氣並
作陰陽失和三光虧缺恠異數至蟲螟食稼水旱為災
此皆戚宦之臣所致然也反以策讓三公至於死免乃
足為叫呼蒼天號咷泣血者也又中世之選三公也務
於清慤謹慎循常習故者是歸之檢押鄉曲之常人耳
惡足以居斯位邪勢既如彼選又如此而欲望三公勲
立於國家績加於生民不亦遠乎昔文帝之於鄧通可
謂至愛而猶展申屠嘉之志夫見任如此則何患乎左
右小臣哉至於近世外戚宦豎請託不行意氣不滿立
能陷人於不測之禍惡可得彈正者哉曩者任之重而
責之輕今者任之輕而責之重昔賈誼感絳侯之困辱
因陳大臣廉耻之分開引自裁之端自此以來遂以成
俗繼世之主生而見之習其所常曾莫之悟嗚呼可悲
天左手據天下之圖右手刎其喉愚者猶知難之况明
哲君子哉言不以重利害其生事見莊子光武奪三公之重至今而加
甚不假后黨以權數世而不行蓋親踈之勢異也母后
之黨左右之人有至親之勢故其責任萬世常然之敗
無世而無之莫之斯鑒亦可痛矣未若置丞相自總之
若委三公則宜分任責成夫使為政者不當與之婚姻
婚姻者不當使之為政也如此在並病人病人謂萬舉姓困敝也
用失賢百姓不安爭訟不息天地多變人物多妖然後
可以分此罪矣或曰政在一人權甚重也曰人實難得

何重之嫌昔者霍禹竇憲鄧騭梁冀之徒藉外戚之權
管國家之柄及其伏誅以一言之詔詰朝而決何重之
畏乎今夫國家漏神明於媒近輸權重於婦黨算十世
而為之者八九焉不此之罪而彼之疑何其詭耶

樂志論

仲公理

使居有良田廣宅背山臨流溝池環帀竹木周布場圃
築前果園樹後舟車足以代步涉之難使令足以息四
體之役養親有兼味之膳妻孥無苦身之勞良朋萃止
則陳酒有以娛之嘉時吉日則烹羊豚以奉之躡蹠畦
苑遊戲平林濯清水追涼風釣遊鯉弋高鴻風於舞雩
之下詠歸高堂之上安神閨房思老氏之玄虛呼吸精
和求至人之彷彿與達者論道講書俯仰二儀錯綜人
物彈南風之邪操發清商之妙曲逍遙一世之上睥睨
天地之間不受當時之責求保性命之期如何則可以
凌霄漢出宇宙之外矣豈羨夫入帝王之門哉

正交論

蔡伯喈

聞之前訓曰君子以朋友講習而正人無有淫朋是以
古之交者其義敦以正其誓言以固逮夫周德始衰頌
聲旣寢伐木有鳥鳴之刺谷風有棄予之怨自此以降
彌以凌遲或闕其始終或疆其比周是以縉紳患其然
而論者諄諄如也疾淺薄而携二者有之惡朋黨而絕
交游者有之其論交也曰富貴則人爭趨之貧賤則人
爭去之是以君子慎人所以交也審已所以交人富貴
則無暴集之客貧賤則無棄舊之賓矣原其所以來則

知其所以去見其所以始則觀其所以終彼真士者貧賤不待夫富貴富貴不驕乎貧賤故可貴也蓋朋友之道有義則合無義則離善則久要不忘平生之言惡則忠告善誨之否則止無自辱焉故君子不爲可棄之行不患人之遺已也信有可歸之德不病人之遠已也不幸或然則躬自厚而薄責於人怨其遠矣求諸已而不求諸人咎其稀矣夫遠怨稀咎之機咸在乎躬莫之改也子夏之門人問交於子張而二子各有聞乎夫子然則以交誨也商也寬故告之以矩人師也褊故訓之以容衆各從其行而矯之至於仲尼之正教則泛愛衆而親仁故非善不喜非仁不親交游以方會友以文可無貶也穀梁亦曰心志旣通名譽不聞友之罪也今將患其流而塞其源病其末而刈其本無乃未若擇其正而黜其邪與其彼農皆黍而獨稷焉夫黍亦神農之嘉穀與稷並爲粢盛也使交而可廢則黍其愆矣括二論而言之則刺薄者博而洽斷交者真而孤孤有羔羊之節與其不獲已而矯時也走將從夫孤言

明堂月令論

蔡伯喈

明堂者天子太廟所以宗嗣其祖以配上帝者也夏后氏曰世室殷人曰重屋周人曰明堂東曰青陽南曰明堂西曰總章北曰玄堂中央曰太室易曰離也者明也南方之卦也聖人南面而聽天下鄉明而治人君之位莫正於此焉故雖有五名而主以明堂其正中皆曰太廟謹承天順時人之令昭令德宗廟之禮明前功百辟

之勞起養老敬長之義顯教幼誨穉之學朝諸侯選造
士於其中以黜制度生者乘其能而死者論其功而祭
故爲大教之宮而四學者具焉官司備焉譬如北辰居
其所而衆星拱之萬象翼之政教之所由生專變化之
所由來黜一統也故言黜堂之大義深也取其宗祀之
清貌則曰清廟取其政室之貌則曰太廟取其尊崇矣
則曰太室取其堂則曰黜堂取其四門之學則曰太學
取其四面周水圓如璧則曰辟雍異名而同事其實一
也春秋因魯取宋之奸賂則顯之太廟以黜聖王建清
廟黜堂之義經曰取郃夫鼎于宋戊申納于太廟傳曰
非禮也人君者將昭德塞違故昭令德以示子孫是清
廟茅屋昭其儉也夫德儉而有度升降而有數文物以
紀之聲黜以發之以臨照百官百官於是乎
敢易紀律所以黜大教也以周清廟論曰魯太廟
堂也魯禘祀周公於太廟黜堂猶周宗祀文王於清廟
黜堂也禮記檀弓曰王齋禘於清廟黜堂也孝經曰宗
祀文王於黜堂禮記黜堂位曰大廟天子曰黜堂又曰
成王幼弱周公踐天子位以治天下朝諸侯於黜堂制
禮作樂頒度量而天下大服成王以周公爲有勲勞於
天下命魯公世世禘祀周公於太廟以天子之禮升歌
清廟下管象舞所以廣魯於天下也取周清廟之歌歌
於魯太廟黜魯之太廟猶周之清廟也皆所以昭文王
周公之德以示子孫也易傳太初篇曰天子旦入東學
晝入南學暮入西學太學在中央天子所日學也禮記

傳保篇曰帝入東學上親而貴仁入西學上賢而貴德
入南學上齒而貴信入北學上貴而尊爵入太學承師
而周道與易傳同魏文侯孝經傳曰太學者中學明堂
之位也禮記古大明堂之禮曰辟夫是相禮日中出南
闈見九侯反問子相日側居西闈視五國之事日入出
北闈視帝節猷爾視曰宮中之門謂之闈王居明堂之
禮又別陰陽門東南稱門西北稱闈故周官有門闈之
學師氏教以三德守王門保氏教以六藝守王闈然則
師氏居東門南門保氏居西門北門也督堂教國子與
易傳保傳王居明堂之禮參詳發明爲學四焉文王世
子篇曰九大合樂則遂養老子至力命有司行事與秩
節祭先聖先師焉始之養也適東序釋莫於先老遂設
三老五更之席位言教學始之於養由東方歲始也又
春夏學于戈秋冬學羽旄皆習於東序凡祭養老乞言
語之禮皆小樂正詔之於東序又曰大司成論說在東
序然則學皆在東序之堂也學者聚焉故稱詔太學仲
夏之月令祀百辟卿士之有德於民者禮記太學志曰
禮士大夫學于聖人善人祭于明堂其無位祭于太學
禮記昭穆篇曰祀先賢于西學所以教諸侯之德也即
所以顯行國禮之處也太學明堂之東序也皆以明堂
辟雍之內月令記曰明堂者所以明天地統萬物明堂
上通於天象曰辰故平十二宮象星辰也水環四周言
王者動作法天地德廣及四海方此水也禮記盛德篇
曰明堂九室以茅蓋屋上圓下方此水名曰辟雍王制

日天子出征執有罪反釋奠於學以訊馘告樂記曰武
王伐殷薦俘馘于京大室詩魯頌云矯矯虎臣在泮獻
馘京鎬京也大室辟雍之中明堂太室與諸侯泮宮俱
獻馘也即王制所謂以訊馘告者也禮記曰祀乎明堂
所以教諸侯之孝也孝經曰孝悌之至通於神明光於
四海詩云自西自東自南自北無思不服言行孝者則
曰明堂行悌者則曰太學故孝經合以爲一義而鎬京
之詩以明之凡此皆明堂太室辟雍太學事通文合之
義也其制度之數各有所依堂方伯四十四尺坤之策
也屋圓屋徑二百一十六尺乾之策也太廟明堂方三
十六丈通天屋徑九尺陰陽九六之變且圓蓋方載六
九之道也八闥以象八卦九室以象九州十二室以應
辰三十六戶七十二牖以四戶八牖乘九室之數也戶
皆外設而不閉示天下不藏也通天屋高八十一尺黃
鍾九九之實也二十八柱列於四方亦七宿之象也堂
高三丈以應三統四卿五色者象其行外廣二十四氣
世四周以水象四海王者之大禮也月令篇名曰因天
時制人事天子發號施令命神受職每月異禮故謂之
月令所以順陰陽奉四時効氣物以王政也成法備各
從時月藏之明堂所以示承祖考神而明明不敢泄瀆
之義故以明堂冠以名月令其篇自天地定位有其象
聖帝明君也世有詔襲蓋以成大業非一代之事也易
正月之卦曰其經曰王用亨于帝吉孟春令曰乃擇元
日祈穀于上帝顓頊歷術曰天元正月己巳朔日立春

日月俱起於大廟官室五度令月孟春之日月在營室
建堯典曰乃命羲和欽若昊天歷象日月星辰敬受人
時令曰乃命大史守典司天星辰之行易曰不利為寇
利用禦寇令曰兵伐不起不可從我始書曰歲二月間
律度量衡中春令日夜分則同度量鈞衡石凡此皆於
大歷唐政其類不可稱戴禮夏小正傳曰陰陽生物之
後王事之次則夏之月令也殷人無文及周而備文義
所說傳衍深遠宜周公之所著也官號職司與周官合
用書七十二篇而月令第五十三古者諸侯朝正天子
受月令以歸而藏諸廟中天子藏之於明堂
朔朝廟出而行之周室既衰諸侯怠於禮魯
朔而朝仲尼書譏之經曰閏月不告朔猶朝

月告
廢告
刺舍

大禮而小儀自是告朔遂闕而徒用其羊子貢非廢其
令而請去之仲尼曰賜也爾愛其羊我愛其禮庶嗣王
復興之君人者昭而明之稽而用之耳無逆聽令無逆
政所以臻乎大順陰陽和平穀豐太平給符瑞至由此
而矣秦相呂不韋著書取月令為紀號淮南王安亦以
取為第四篇政名曰持則故偏見之徒或云月令呂不
韋作或曰淮南皆非也

崇讓論

劉子真

昔之聖王之化天下所以貴讓者欲以出賢才息爭競
也夫人情莫不皆欲已之賢也故勸令讓賢以自明賢
也豈憚讓不賢哉故讓道興賢能之人不求而出矣至
公之舉自立矣百官之副亦豫具矣一官缺擇衆官所

讓最多者兩周之審之道也在朝之士相讓於上草廬
之久感皆化之推能讓賢之風從此生矣為一國所讓
則一國士地天下所共推則天下士也推讓之風行則
賢與不肖灼然殊矣此道之行在上者無所用其心因
成清議隨之而已故曰湯蕩平堯之為君莫之能名言
天下自安奚不見堯所以化之故不能名也又曰舜禹
之有天下而不讓焉無為而化者其舜也歟賢人相讓
於朝失才之久惟在大官小人不爭於野天下無事矣
以賢才化無事至道興矣也仰其成復何與焉故可以
歌南風之詩彈五絃之琴也成此功者非有他崇讓之
所致耳孔子曰能以禮讓為國則不難也在朝之人不
務相讓久矣天下化之自魏代以來登進辟命之士及
在職之吏臨見受叙雖自辭不能受者肯讓有勝己者
夫推讓之風息爭競之心生孔子曰上與讓則下不爭
明讓不與下必爭也推讓之道興則賢能之人日見推
舉爭競之心生則賢能之人日見謗毀夫爭者之欲自
先甚惡能者之先不能無毀也故孔墨不能免世之謗
已況不及孔墨者乎議者僉然言世少高明之才朝廷
不有大才之人可以為大官者山澤人小官吏亦復云
朝廷之士雖有大官名德皆不及往時人也余以為此
二言皆失之矣非時獨之賢也時不貴讓一人有先衆
之譽毀必隨之名不得成使之然也雖令稷契復存亦
不復能全其名矣能否渾雜優劣不分士無素定之價
官職有缺主選之吏不知所用但案官次而舉之同才

之入先用者非勢家之子則必爲有勢者之所念也非
能獨賢因其先用之資而復遷之無已遷之無已不勝
其任之病發矣觀在官之人政績無聞自非勢家之子
率多因資次而進也向今天下貴讓士必由於見讓而
後名成名成而官乃用之諸名行不立之人在官無政
績之稱讓之者必矣官無因得而用之也所以見用不
息者由讓道廢因資用人之有失久矣故自漢魏以來
時開大舉令衆官各舉所知唯才所任不限階次如此
者甚數矣其所舉必有當者不聞時有擢用不如何誰
最賢故也所舉必有不當而罪不加不知何誰最不肖
也所以不可得知由當時之人莫肯相推賢愚之名不
別令其如此舉者知在上者察不能審故敢漫舉而進

之或舉所賢因及所念一頓而至人數很多各言所舉
者賢加之高狀相似如一難得而分矣參錯相亂真僞
同貫更復由此而甚雖舉者不能盡忠之罪亦由上開
聽察之路濫令其爾也昔齊王好聽竽聲必令三百人
合吹而後聽之廩以數人之俸南郭先生不知吹竽者
也以三百人合吹可以容其不知因請爲王吹竽虛食
數人之俸嗣王覺而改之難彰先王之過乃下令曰吾
之好聞竽聲有甚於先王欲一一列而聽之先生於此
逃矣推賢之風不立濫舉之法不改則南郭先生之徒
盈於朝矣才高守道之士日退馳走有勢之門日多矣
雖國有典刑弗能禁矣夫讓道不興之弊非徒賢人在
下位不得時進也國之良臣荷重任者亦將以漸受罪

退矣何以知其然也孔子以爲顏氏之子不貳過耳
非聖人皆有過寵貴之地欲之者多矣惡賢能者塞其
路其過而毀之者亦多矣夫謗毀之生非徒空設必因
人之微過而甚之者也毀謗之言數聞在上者雖欲弗
納不能不杖所聞因事之來而微察之也無以其驗至
矣得其驗安得不理其罪若知而從之王之威日衰令
之不行自此始矣知而皆理之受罪退者稍多大臣有
不自固之心矣賢才不進貴臣日踈此有國者之深憂
也詩曰受祿不讓至于已斯亡不讓之人憂亡不暇而
望其益國朝不亦難乎竊以爲改此俗甚易耳何以知
之夫一時在官之人雖雜有凡猥之才其中賢明者亦
多矣豈可謂皆不知讓賢爲貴邪直以其時皆不讓習

以成俗故遂不爲耳人臣初除皆通表上聞名之謝章
所由來尚矣原謝章之本意欲進賢能以謝國恩也昔
舜以禹爲司空禹拜稽首讓于稷契及咎繇使益爲虞
官讓于朱虎熊羆使伯夷典三禮讓于夔龍唐虞之時
衆官初除莫不皆讓也謝章之義蓋取於此書記之者
欲以末世作則李世所用不賢不能讓賢虛謝見用之
恩而已相承不變習俗之失也夫敘用之官得通章表
者其讓賢推能乃通其不能有所讓徒費簡紙者皆絕
不通人臣初除各思推賢能而讓之矣讓之又付主者
掌之三司有缺擇三司所讓最多者而用之此爲一公
缺三公已豫選之矣且主選之吏不必任公而選三公
不如令三公自共選一公爲詳也四征缺擇四征所讓

最多者而用之此爲一征缺四征已豫選之矣必詳於
得缺而今主者選四征也尚書缺擇尚書所讓最多者
而用之此爲八尚書共選一尚書詳於臨缺今主者選
八尚書也郡守缺擇衆郡所讓最多者而用之詳於任
主者今選百郡守也夫以衆官百郡之讓與主者共相
比不可同歲而論也雖復令三府參舉官本不委以舉
選之任各不能以根其心也其所屬心者裁之不一三
但令主者案官次而舉之不用精也賢愚皆讓百姓耳
目盡爲國耳目夫人情爭則欲毀已所不知讓則競推
於勝已故世爭則毀譽交錯優劣不分難得而讓也時
讓則賢智顯出能奮之美歷歷相次不可得而亂也當
此時也能退身脩己者讓之者多矣雖欲守貧賤不可
得也馳騫進趣而欲人見讓猶却行而求前也夫如此
愚智咸知進身求通非脩之於已則無由矣游外求者
於此相隨而歸矣浮聲虛論不禁而自息矣人無所用
其心任衆人之議而天下自化矣不言之化行巍巍之
美於此著矣讓可以致此豈可不務之哉春秋傳曰范
宣子之讓其下皆讓樂厲雖汰弗敢違也晉國以平數
世賴之上世之化也君子尚能而讓其下小人力農以
事其上下有禮讒慝遠黜而不爭也及其亂也國家
之弊恒必由之篤論了了如此在朝君子典選大官能
不以人廢言舉而行之各以讓爲舉能爲先務則群才
猥出能否殊別蓋世之功莫大於此

辯和同論

劉曼山

夫事有違而得道有順而失義有愛而爲害有惡而爲
美其故何乎蓋明智之所得闡發之所失也是以君子
之於事也無適無莫必考之以義焉得由和與失由同
起故以可濟否謂之和好惡不殊謂之同春秋傳曰和
如羹焉酸苦以濟其味君子食之以平其心同如水焉
若以水濟水誰能食之琴瑟之專一誰能聽之是以君
子之行周而不比和而不同以救過爲正以匡惡爲忠
昔楚恭王有疾曰不穀不德失先君之緒覆楚國之師
若以宗廟之靈得保首領以歿請爲靈若厲大天許諸
及其卒也子囊曰不然夫事君者從其善不從其過赫
赫楚國而君臨之有是寵也而知其過可不謂恭乎此
違而得道者也及靈王驕淫芊尹申亥從王之欲以殯
於乾谿殉之二女此順而失義者鄢陵之役晉楚對戰
陽穀獻酒子反以斃此愛而害之者也臧武仲曰孟孫
之惡我藥石也季孫之愛我美莪也疾毒滋厚石猶生
我此惡而爲美者也孔子曰智之難也有臧武仲之智
而不容於曾國抑有由也作而不順施而不恕矣蓋善
其知義譏其違道也夫知而違之僞也不知而失之闇
也闇與僞焉其患一也故君之行動則思義不爲利回
不爲義疚進退周旋唯道是務苟失其道則兄弟不阿
苟得其義雖仇讎不廢故解狐蒙祁奚之薦二叔被周
公之害勃鞞以逆文爲成傅瑕以順厲爲敗管蘇以增
忤取進申侯以愛從見退考之以義也故曰不在逆順
以義爲斷不在憎愛以道爲貴記曰愛而知其惡憎而

知其善考義之謂也

仁孝論

延叔堅

觀夫仁孝之辯紛然異端互引典文代取事據可謂篤論矣夫人二致同源總率百行非復銖兩輕重必定前後之數也而如欲分其大較體而名之則孝在事親仁施品物施物則功濟於時事親則德歸於已歸已則事寡濟時則功多推此以言仁則遠矣然物有出微而著事有由隱而章近取諸身則耳有聽受之用目有察見之明足有致遠之勞手有飾衛之功功雖顯外本之者心也遠取諸物草木之生始於萌芽終於彌蔓枝葉扶踈榮華紛縟未雖繁蔚致之者根也夫仁人之有孝猶四體之有心腹枝葉之有本根也聖人知之故曰夫孝天之經也地之義也人之行也君子務本本立而道生孝弟也者其爲之本與然體大難備物性好偏故所施不同事少兩兼者也如必對其優劣則仁以枝葉扶踈爲大孝以心體本根爲先可無訟也或謂先孝後仁非仲尼序回參之意蓋以爲仁孝同質而生純體之者則互以爲稱虞舜顏回是也若偏而體之則各有其目公劉曾參是也夫曾閔以孝悌爲至德管仲以九合爲仁功未有論德不先回參考功不大夷吾以此而言各從其稱者也

遊俠論

荀仲豫

世有三遊德之賊也立氣勢作威福結私交以立強於世者謂之遊俠飭辯辭設詐謀馳逐於天下以要時執

者謂之遊說色取仁以合時好連黨類立虛譽以為權
利者謂之遊行此三者傷道害德敗法惑世亂之所由
生也國有四民各脩其業不由四民之業者謂之姦民
姦民不生王道乃成凡此三遊生於季世制度不立綱
紀弛廢以毀譽為榮辱以喜怒為賞罰是以奔走馳騁
越職僭度飭華廢實競時利簡父兄之尊而崇賓客
之禮薄骨肉之恩而篤朋友之愛忘脩身之道而求衆
人之譽割衣食之業以供饗宴之好苞苴盈於門庭聘
問交於道路書記繁於公文私務衆於官事於是流俗
成而正道壞矣是以聖王在上經國序民正其制度善
惡要於功罪而不淫於毀譽聽其言而責其事舉其名
而指其實故虛偽之行不得設誣罔之辭不得行有罪
惡者無筦竇無罪過者不憂懼請謁無所行貨賂無所
用養之以仁惠文之以禮樂則風俗定而大化成矣

崇有論

裴頠

夫總混羣本宗極之道也方以族異庶類之品也形象
著分有生之體也化感錯綜理迹之原也夫品而為族
則所稟者徧徧無自足故憑乎外資是以生而可尋所
謂理也理之所體所謂有也有之所須所謂資也資有
攸合所謂宜也擇乎厥宜所謂情也識智既授雖出處
異業默語殊塗所以寶生存宜其情一也衆理並而無
害故貴賤形焉失得由乎所接故吉凶兆焉是以賢人
君子知欲不可絕而交物有會觀乎往復稽中定務惟
夫用天之道分地之利躬其力任勞而後饗居以仁順

守以恭儉率以忠信行以敬讓志無盈求事無過用乃
可濟乎故大建厥極綏理群生訓物垂範於是乎在斯
則聖人爲政之由也若乃淫抗陵肆則危害萌矣故欲
衍則速患情佚則怨博擅恣則興攻專利則延寇可謂
以厚生而失生者也悠悠之徒駭乎若茲之釁而尋艱
爭所緣察夫偏質有弊而規簡損之善遂闡貴無之議
而建賤有之論賤有則必外形外形則必遺制遺制則
必忽防忽防則必忘禮禮制弗存則無以爲政矣衆之
從上猶水之居器也故兆庶之情信於所習習則心服
其業業服則謂之理然是以君人必慎所教班其政形
一切之務分宅百姓各授四職能令稟命之者不肅而
安忽然忘異莫有遷志況於據在三之尊懷所隆之情
敦以爲訓者哉斯乃昏明所階不可不審夫盈欲可損
而不可絕有也過用可節而未可謂無貴也蓋有講言
之具者深列有形之故盛稱空無之美形器之故有徵
空無之義難檢辯巧之文可悅似象之言足惑衆聽眩
焉溺其成說雖頗有異此心者辭不獲濟屈於所狎因
謂虛無之理誠不可蓋唱而有和多往弗反遂薄綜世
之務賤功列之用高浮游之業埤經實之賢人情所殉
篤夫名利於是文者衍其辭訥者讚其旨染其衆也是
以立言藉於虛無謂之玄妙處官不親所司謂之雅遠
奉身散其廉操謂之曠達故砥礪之風彌以陵遲放者
因斯或悖吉凶之禮而忽容止之表瀆弁長幼之序混
漫貴賤之級其甚者至於裸裎言笑志宜以不惜爲弘

士行又虧矣老子既著五千之文表摭穢雜之弊甄舉
靜一之義有以令人釋然自夷合於易之損謙艮節之
旨而靜一守本無虛無之謂也損艮之屬蓋君子之一
道非易之所以爲體守本無也觀老子之書雖博有所
經而云有生於無以虛爲主偏立一家之辭豈有以而
然哉人之既生以保生爲全全之所借以順感爲務若
昧遂以虧業則沈溺之釁興懷末以忘本則天理之真
滅故動之所交存亡之會也夫有非有於無非無於無
非無於有非有是以申縱播之累而著貴無之文將以
絕所非之盈謬存大善之中節收流遁於既過反澄正
于曾懷宜其以無爲辭而旨在全有故其辭曰以爲文
不足若斯則是所寄之塗一方之言也若謂至理信以
無爲宗則徧而害當矣先賢達識以非所滯示之深以
惟班固著難未足折其情孫卿揚雄大體抑之僭偏有
所許而虛無之言日以廣衍衆家弱起各列其說以及
造化下被萬事莫不貴無所存僉同情以衆固乃號凡
有之理皆義之埤者薄而鄙焉辯論人倫及經剛之業
遂易門肆頽用矍然申其所懷而攻者盈集或以爲一
時口言有客幸過咸見命著文摘列虛無不允之徵若
未能每事釋正則無家之義弗可奪也頽退而思之雖
君子宅情無求於顯及其立言在乎達旨而已然去聖
久遠異同紛糾苟少有髮髯可以崇濟先典扶明大業
有益於時則惟患言之不能焉得靜默及未舉一隅略
示所存而已哉夫至無者無以能生故始生者自生也

自生而必體有則有遺而三屬矣生以有爲已分則虛無是有之所謂遺者也故養既化之有非無用之所能全也理既有之衆非無爲之所能循也心非事也而制事必由於心然不可以制事以非事謂心爲無也匠非器也而制器必須於匠然不可以制器以非器謂匠非有也是以欲收重泉之鱗非偃息之所能獲也限高墉之禽非靜拱之所能捷也審投弦餌之用非無知之所能覽也由此而觀濟有者皆有也虛無奚益於已有之羣生哉

仇國論

誰允南

因餘之國小而肇建之國大並爭於世而爲仇敵因餘之國有高賢卿者問於伏愚子曰今國事未定上下之心往古之事能以弱勝疆者其術何如伏愚子曰吾聞之處大無患者恒多慢處小有患者恒思善多慢則生亂思善則生治理之常也故周人養民以少取多句踐卹衆以弱斃疆此其術也賢卿曰曩者項疆漢弱相與戰爭無日寧息然項羽與漢約分鴻溝爲界各欲歸息民張良以爲民志既定則難動也尋師追羽終斃項氏豈必由文王之事乎肇建之國方有疾疢我因其隙陷其邊陲覬憎其疾而斃之也伏愚子曰當殷周之際王侯世尊君臣久固民習所專深根者艱拔據固者難遷當此之時雖漢祖安能杖劍鞭馬而取天下乎當秦罷侯置守之後民疲秦役天下土崩或歲敗主或月易公鳥驚獸駭莫知所從於是豪彊並爭虎裂狼分疾搏者

獲多遲後者况不今我與肇建皆傳國易世矣既非秦
末鼎沸之時實有六國並據之勢故可為文王難為漢
祖夫民疲勞則騷擾之兆生上慢下暴則瓦解之形起
諺曰射幸數跌不如審發是故智者不為小利移目不
為意似改步時可而後動數合而後舉故湯武之師不
再戰而克誠重民勞而度時審也如遂極武黷征土崩
勢生不幸遇難雖有智者將不能謀之矣若乃奇變縱
橫出入無間衝波截轍超谷越山不由舟楫而濟盟津
者我愚子也實所不及

辯諱論

張子布

客有見大國之議士君之之論云起元建武已來舊君
名諱五十六人以為後生不得協也取乎經論譬諸行

事義高禮記禮記有疑焉蓋乾坤剖

分萬物定形肇有父子君臣之經故聖人順天之性制

禮尚敬在三之義君實食禮記禮記哀君親臨之厚莫

重焉恩莫大焉誠臣子所禮記禮記萬夫所大恃焉得而同

之哉然親親有衰尊尊有殺禮記禮記禮服上不盡高祖下不

盡玄孫又傳託四世而細麻禮記禮記之窮也五世祖免降殺

同姓也六世而親屬竭矣入禮記禮記禮有不逮事之義則不

諱不諱者蓋名之謂屬絕之禮記禮記我不拘於協况乃古君五

十六哉邾子會盟季友來歸禮記禮記小稱其名咸書字者是時

魯人嘉之也何解臣子為君禮記禮記諱乎周穆王諱滿至定

王時有王孫滿者其為大夫禮記禮記是臣協君也又厲王諱胡

及莊王之子名胡禮記禮記此舉夫舉事建議經有明據傳

廣文選卷第六十七
有徵案然後進攻退守高年本此垂示百世永無咎失
今應劭雖上尊舊君之名而下無所斷齊猶歸之疑云
曲禮之篇疑事無質觀省上下闕義自證文辭而為倡
而不法將來河觀言聲一放猶拾潘也過辭在前悔其
何追

廣文選卷第六十六

江都葛澗校

廣文選卷第六十七

明通議大夫都察院右副都御史大庾劉節廣

論三

中論

徐偉長

昔之君子成德立行身沒而名不朽其故何哉學也學
也者所以䟽神達思怡情理性聖人之上務也民之初
載其矇未知譬如寶在於玄室有所求而不見白日照
焉則羣物斯辯矣學者心之白日也故先王立教官掌
教國子教以六德曰智仁聖義中和教以六行曰孝友
睦婣任恤教以六藝曰禮樂射御書數三教備而人道
畢矣學猶飾也器不飾則無以為美觀人不學則無以
有懿德有懿德故可以經人倫為美觀故可以供神明

故書曰若作梓材既勤樸斲惟其塗丹腹夫聽黃鍾之
聲然後知擊缶之細視袞龍之文然後知被褐之陋涉
庠序之教然後知不學之困故學者如登山焉動而益
高如寤寐焉久而愈足顧所由來則杳然其遠以其難
而懈之誤且非矣詩云高山仰止景行行止好學之謂
也倦立而思遠不如速行之必至也矯首而徇飛不如
循雖之必獲也孤居而願智不如務學之必達也故君
子心不苟願必以求學身不苟動必以從師言不苟出
必以博聞是以情性合人而德音相繼也孔子曰弗學
何以行弗思何以得小子勉之斯可謂師人矣馬雖有
逸足而不閑輿則不爲良駿人雖有美質而不習道則
不爲君子故學者求習道也若有似乎畫采玄黃之色
旣著而純皓之體斯亡敝而不渝孰知其素歟子夏曰
日習則學不忘自勉則身不惰亟聞天下之大言則志
益廣故君子之於學也其不懈猶上天之動猶日月之
行終身亶亶沒而後已故雖有其才而無其志亦不能
興其功也志者學之帥也才者學之徒也學者不患才
之不贍而患志之不立是以爲之者億兆而成之者無
幾故君子必立其志易曰君子以自強不息大樂之成
非取乎一音嘉膳之和非取乎一味聖人之德非取乎
一道故曰學者所以總羣道也羣道統乎已心羣言一
乎已口唯所用之故出則元亨處則利貞默則立象語
則成文述千載之上若共一時論殊俗之類若與同室
度幽明之故若見其情原治亂之漸若指已効故詩曰

學有緝熙于光明其此之謂也夫獨思則滯而不通獨
爲則困而不就人心必有明焉必有悟焉如火得風而
炎熾如水赴下而流速故太昊觀天地而畫八卦燧人
察時令而鑽火帝軒聞鳳鳴而誦律倉頡視鳥跡而作
書斯大聖之學乎神明而發乎物類也賢者不能學於
遠乃學於近故以聖人爲師昔顏淵之學聖人也聞一
以知十子貢聞一以知二斯皆觸類而長之篤思而聞
之者也非唯賢者學於聖人聖人亦相因而學也孔子
因於文武文武因於成湯成湯因於夏后夏后因於堯
舜故六籍者羣聖相因之書也其人雖亡其道猶存今
之學者勤心以取之亦足以到昭明而成博達矣凡學
者大義爲先物名爲後大義舉而物名從之然鄙儒之
博學也務於物名詳於器械矜於詁訓摘其章句而不
能統其大義之所極以獲先王之心此無異乎女史誦
詩內豎傳令也故使學者勞思慮而不知道費日月而
無成功故君子必擇師焉

法象

夫法象立所以爲君子法象者莫先乎正容貌慎威儀
是故先王之制禮也爲冕服采章以旌之爲佩玉鳴璜
以聲之欲其尊也欲其壯也焉可以懈慢也缺貌者人
之符表也容貌正故情性治情性治故仁義存仁義存
故盛德著故可以爲法象斯謂之君子矣君子者無尺
土之封而民尊之無刑罰之威而民畏之無羽籥之樂
而民樂之無爵祿之賞而民懷之其所以致之者一也

故孔子曰君子威而不猛泰而不驕詩云敬慎威儀惟民之則若夫惰其威儀恍其瞻視忽其辭令而望民之則我者未之有也莫之則者必慢之者至矣小人見慢也而致怨乎人患己之卑而不思其所以然哀哉故書曰惟聖罔念作狂惟狂克念作聖人性之所簡也存乎幽微人情之所忽也存乎孤獨夫幽微者顯之原也孤獨者見之端也胡可簡也胡可忽也是故君子敬孤獨而慎幽微雖在隱蔽鬼神不得見其隙耳詩云肅肅兔置施于中林處獨之謂也又有顛沛而不可亂者則成王季路其人也若成王將崩體被冕服然後發顧命之辭季路遭亂正冠結纓而後死白刃之難夫以彌留之困白刃之難猶不忘敬况於遊宴乎故詩曰就其深矣

方之舟之就其淺矣泳之游之言必濟也君子者無戲謔之言言必有防無戲謔之行行必有檢言必有防行必有檢故雖妻妾不得而黷也雖朋友不得而狎也是以不愠怒而教行于閨門不諫論而風聲紀乎鄉黨傳稱大人正己而物正者蓋此之謂也以匹夫之居猶然况得志而行於天下乎唐堯之帝允恭克讓而光被四表成湯不敢怠遑而奄有九域文王祗畏而造彼區夏易曰觀盥而不薦有孚顒若言下觀而化也禍敗之所由也則有媒慢以為階可無慎乎昔宋敏碎首於碁局陳靈被矢於戲言閻邴造逆於相詬乎好生絀於嘗齋是故君子居身也謙在敵也讓臨下也莊事上也敬四者備而怨咎不作福祿從之詩云靖共爾位正直是與

神之聽之式穀以女君子之交人也歡而不媿和而不
同好而不佞詐學而不虛行易親而難媚多恕而寡非
故無絕交無畔明書曰慎始而敬終以不困夫禮也者
人之急也可終身思而不可須臾忘也須臾離則悞慢
之行臻焉須臾忘則悞慢之心生焉況無禮而可以終
始乎夫禮也者敬之經也敬也者禮之情也無敬無以
行禮無禮無以節敬道不偏廢相須而成是能盡敬以
從禮者謂之成人過則生亂亂則災及其身昔晉惠公
以慢端無嗣文公以肅命興國邾擘以傲享徵亡冀缺
以敬妻受服子圍以大明招亂遠罷以既醉保祿良霄
以鶉奔喪家子展以草蟲昌族君子感凶德之如彼且
吉德之如此故立必罄折坐必抱鼓周旋中規折旋中

矩禮不離於結禴之間言不越乎表著之位聲氣可聽
精神可愛俯仰可宗揖讓可貴述作有方動靜有常帥
禮不荒故為萬夫之望也

虛道

人之為德其猶虛器歟器虛則物注滿則止焉故君子
常虛其心志恭其容貌不以逸羣之才加乎衆人之上
視彼猶賢自視猶不足也故人願告之而不倦易曰君
子以虛受人詩曰彼妹者子何以告之君子之於善道
也大則大識之小則小識之善無大小咸載於心然後
舉而行之我之所有既不可奪而我之所無又取於人
是以功常前人而人後之也故夫才敏過人未足貴也
博辯過人未足貴也勇決過人未足貴也君子之所貴

者遷善懼其不及改惡恐其有餘故孔子曰顏氏之子其殆庶幾乎有不善未嘗不知知之未嘗復行夫惡猶疾也攻之則益悛不攻則日甚故君子相求也非特與善也將以攻惡也惡不廢則善不興自然之道也易曰此之匪人不利君子貞大往小來陰長陽消之謂也先民有言人之所難者二樂攻其惡者難以惡告人者難夫惟君子然後能為己之所難能到人之所難致既能其所難也猶恐舉人惡之輕而舍己惡之重君子患其如此也故反之復之鑽之核之然後彼之所懷者竭始盡知己惡之重矣既知己惡之重者而不能取彼又將舍已况拒之者乎夫酒食人之所愛者也而人相見莫不進焉不吝於所愛者以彼之嗜之也使嗜者甚於酒食人豈愛之故忠言之不出以未有嗜之者也詩云匪言不能胡斯畏忌目也者能遠察而不能近見其心亦如之君子誠知心之似目也是以務鑒於人以觀得失故視不過垣墻之裏而見邦國之表聽不過闔塾之內而聞千里之外因人也人之耳目盡為我用則我之聰明無敵於天下矣是謂人一之我萬之人塞之我通之故知其高不可為員其廣不可為方先王之禮左史記事右史記言師鞀誦詩庶僚箴誨器用載銘筵席書戒月考其為歲會其行所以自供正也昔衛武公年過九十猶夙夜不怠思聞訓道命其羣臣曰無謂我老耄而舍我必朝夕交戒又作抑詩以自儆也衛人誦其德為賦淇澳且曰睿聖凡興國之君未有不然者也故易曰君子以恐懼修

省下愚反此道也以為已既仁矣智矣神矣明矣兼此
四者何求乎衆人是以辜罪昭著腥德發聞百姓傷心
鬼神怨痛曾不自聞愈休如也昔有告之者則曰斯事
也徒生乎子心出乎子口於是刑焉戮焉辱焉禍焉不
能免則曰與我異德故也未達我道故也又安足責是
已之非遂初之繆至於身危國亡可痛矣夫詩曰誨爾
諄諄聽之藐藐匪用為教覆用為虐蓋聞舜之在鄉黨
也非家饋而戶贈之也人莫不稱善焉象之在鄉黨也
非家奪而戶掠之也人莫不稱惡焉由此觀之人無賢
愚見善則譽之見惡則謗之此人情也未必有私愛也
未必有私憎也今夫立身不為人之所譽而為人之所
謗者未盡為善之理也盡為善之理將若舜焉人誰不

不同其敢謗之乎故語稱救寒莫如重裘止謗莫如
修身療暑莫如親水信矣哉

藝紀

藝之興也其由民心之有智乎造藝者將以有理乎民
生而心知物知物而欲作欲作而事繁事繁而莫之能
理也故聖人因智以造藝因藝以立事二者近在乎身
而遠在乎物藝者所以旌智飾能統事御羣也聖人之
所不能已也藝者所以事成德者也德者以道率身者
也藝者德之枝葉也德者人之根幹也斯二物者不偏
行不獨立木無枝葉則不能豐其根幹故謂之鬼人無
藝則不能成其德故謂之野若欲為夫君子必兼之乎
先王之欲人之為君子也故立保民堂教六藝一曰五

禮二曰六樂三曰五射四曰三五御五曰六書六曰九數
教六儀一曰祭祀之容二曰賓客之容三曰朝廷之容
四曰喪紀之容五曰軍旅之容六曰車馬之容大胥掌
學士之版春入學舍采合萬舞秋班學合聲諷誦講習
不解於時故詩曰菁菁者莪在彼中阿既見君子樂且
有儀美育材其猶人之於藝乎既修其質且加其文文
質著然後體全體全然後可登乎清廟而可羞乎王公
故君子非仁不立非義不行非藝不治非容不莊四者
無愆而聖賢之器就矣易曰富有之謂大業其斯之謂
歟君子者表裏稱而本末度者也故言貌稱乎心志藝
能度乎德行美在其中而暢於四支純粹內實光輝外
著孔子曰君子耻有其服而無其容耻有其容而無其
辭耻有其辭而無其行故寶玉之山土木必潤盛德之
士文藝必衆昔在周公嘗猶豫於斯矣孔子稱安土治
民莫善於禮移風易俗莫善於樂存乎六藝者著其末
節也謂夫陳豆置尊俎執羽籥擊鐘磬升降趨翔屈
伸俯仰之數也非禮樂之本也禮樂之本也者其德
乎詩云我有嘉賓德音孔昭視民不佻君子是則是效
我有旨酒嘉賓式宴以敖况禮樂之所貴也故恭恪廉
讓藝之情也中和平直藝之實也齊敏不匱藝之華也
威儀孔時藝之飾也通乎羣藝之情實者可與論道識
乎羣藝之華飾者可與講事事者有司之職也道者君
子之業也先王之賤藝者蓋賤有司也君子兼之則貴
也故孔子曰志於道據於德依於仁游於藝藝者心之

使也仁之聲也義之象也故禮以考敬樂以敦愛射以平志御以和心書以綴事數以理煩敬考則民不慢愛敦則羣生悅志平則怨尤亡心和則離德睦事綴則法戒明煩理則物不悖六者雖殊其致一也其道則君子專之其事則有司共之此藝之大體也

曆數

昔者聖王之造曆數也察紀曆之行觀運機之動原星辰之迭中寤晷景之長短於是營儀以准之立表以測之下漏以考之布算以追之然後元首齊乎上中朔正乎下寒暑順序四時不忒夫曆數者先王以憲殺生之期而詔作事之節也使萬國之民不失其業者也昔少皞氏之衰也九黎亂德民神雜揉不可方物顓頊受之乃命南正重司天以屬神北正黎司地以屬民使復舊常毋相侵黷其後三苗復九黎之德堯復育重黎之後不忘舊者使復典教之故書曰乃命羲和欽若昊天曆象日月星辰敬授民時於是陰陽調和災厲不作休徵時至嘉生蕃育民人樂康鬼神降福舜禹受之循而勿失也及夏德之衰而羲和酒淫廢時亂日湯武革命始作曆明時敬順天數故周禮太史之職正歲年以序事頒之於官府及都鄙頒告朔於邦國於是分至啓閉之日人君親登觀臺以望氣而書雲物爲備者也故周德既衰百度愴替而曆數失紀故魯文公元年閏三月春秋譏之其傳曰非禮也先王之正時也履端於始舉正於中歸餘於終履端於始序則不愆舉正於中民則不

感歸餘於終事則不悖又哀公十二年十二月螽季
孫問諸仲尼仲尼曰丘聞之也火復而後藝者畢今
火猶西流司曆過也言火未伏明非立冬之日自是
之後戰國構兵更相吞滅專以爭強攻取為務是以
曆數廢而莫修浸用乖繆大漢之興海內新定先王
之禮法尚多有所缺故因秦之制以十月為歲首曆
用顓頊孝武皇帝恢復王度率由舊章招五經之儒
徵術數之士使議定漢曆及更用鄧平所治元起太
初然後分至啓閉不失其節弦望晦朔可得而驗成
衰之間劉歆用平術而廣之以為三統曆比之衆家
最為備悉至孝章皇帝年曆踈闊不及天時及更用
四分曆舊法元起庚辰至靈帝四分曆循復後天半

日於是會稽都尉劉洪更造乾象曆以追日月星辰
之行考之天文於今為密會宮車宴駕京師大亂事
不施行惜哉上觀前化下迄於今帝王興作未有奉
贊天時以經人事者也故孔子制春秋書人事而因
以天時以明二物相須而成也故人君不在分至啓
閉則不書其時月蓋刺怠慢也夫曆數者聖人之所以
測靈耀之顯而窮玄妙之情也非天下之至精孰能致
焉今麤論數家舊法綴之於篇庶為後之達者存損
益之數云耳

通易論

阮嗣宗

阮子曰易者何也乃昔之玄真往古之變經也庖犧氏
當天地一終值人物憔悴利用不存法制夷昧神明之

德不通萬物之情不類於是始作八卦引而伸之觸類而長之分陰陽序剛柔積山澤連水火雜而一之變而通之終于未濟六十四卦盡而不窮是以天地象而萬物形吉凶者而悔吝生事用有取變化有成南面聽斷向明而治結繩而爲網罟致日中之貨循一作未耜之利以教天下皆得其所黃帝堯舜應時當務各有攸取窮神知化述則天序庖犧氏布演六十四卦之變後世聖人觀而因之象而用之禹湯之經皆在上古之文而不存至于文王故係其辭於是歸藏氏遊而周典經典上下無常剛柔相易不可爲典要惟變所適故謂之易易之爲書也本天地因陰陽推盛衰出自幽微以致剛著故乾元初潛龍勿用言大人之德隱而未彰潛而未達待時而興循變而發天地既設屯蒙詩云需以待時訟以立義師以聚衆比以安民是以先王以建萬國親諸侯收其心也原而積之畜而制之是以上下和洽天地之冥以佐佑民順其理也先王既歿德法乖易上凌下替君臣不制剛柔不和天地不交是以君子一類求同遏惡揚善以致其大謙而光之褒多益寡崇聖善以命雷出於地於是大人得位明聖又興故先王作樂薦上帝昭明其道以益答天貺於是萬物服從隨而事之子遵其父臣承其君臨馭統一大觀天下以省方觀民設教儀之以度也苞而有之合而會之故先王用之以明罰自上乃下貴復其賤美盛享盡時極曰至先王閉關商旅不行居不省方以靜民也季葉既衰非謀之獲

應運順天不妄而作故先王茂對時育萬物施仁布澤以樹其德也萬物歸隨如法流承養善過及惡利積生害剛過失柄習坎以位上失其道下喪其羣於是大人繼照于四方顯其德也自乾元以來施乎而剛盛衰有時剛柔無常或得或失一陰一陽出入吉凶由闇察彰文明以卑有翼不飛隨之乃存取之者歸施之以若用之在微貴變慎小與物相遠非知來藏往者莫之能審也易之爲書也覆燾天地之道囊括萬物之情道至而反事極而改反用應時改用當務應時故天下仰其澤當務故萬物恃其利澤施而天下服此天下之所以順自然惠生類也富貴侔天地功名充六合莫之能傾莫之能害者道不逆也天地易之主也萬物易之心也故虛以受之感以和之順以待之道以退之男下女上通其氣也柔以承剛久其類也順而持之遁而退之下隆上積剛動夫壯正大必用力盛則望明升性進光大則傷象以處身異以成類乖離既解緩以爲失損益有時祭以主使揚于王庭乘五馬敗剛既決柔上索下合令臣遭明君以柔遇剛品物咸亨剛據中正天下大行是以后用施命誥四國貴離教也於是天地萃聚百姓合同升而不已屆極及下井養不窮卑不能通不可弗革改以成器尊卑有分長幼有序主上以衆震守之以威動不可終敵應而行漸以進之爲人求位君子之欲進者也臣之求君陰之從陽委之歸誠乃得其所歸而印一作之陽專而一之陽德受歸道豐位大也賢人君子

有衆以成其大也窮侈喪大夫之位羣而靡容容而無
 所卑身下意利見大人巽以申命柔順乎剛入而說之
 說而教之順天應人渙然成章風行水上有文有光男
 行不窮女位乎外衆陰一作承五上同在中從初更始
 乘木有功故先王以享于帝立廟奉天建國也剛柔分
 適得盛中節之以制其道不窮信愛結內剛得中位誠
 發於心庶物唯類大得則虧甚往過既應於遠默則不
 利故君子是以行重乎恭喪重乎哀篤偽薄也小過下
 泰所宜於上下止上動有飛鳥之象焉初六坎下上六
 離體飛鳥以凶是以災眚也柔處中剛失位利與時行
 過而欲遂小亨正象陰皆乘陽陰皆乘陰陽剛凌日君
 臣易位亂而不已非中之謂故君子思患而豫防之慮
 其敗也通變無窮周敗又始剛未出陰在中者柔濟不
 遺遂度不窮則象河洛神物設教而天下服慎辨居方
 陰陽相求初與之道遠作之由也卦體開闔乾以一為
 開坤以二為闔乾坤成體而剛柔有位故老未木生於
 申而坤在西南火火老於戌木生於亥而乾在西北剛
 柔之際也故謂之父母陽承震動發而相承專制遂行
 萬物以興故謂之長男水老於辰金生於巳一氣存之
 終而復起故巽為長女震發於風陰德有紀火中鳴鳴
 母道將始故離為中女又在西北律戰將升季陰幼未
 衰而不勝故兌為少女倉中拔留肇幽為陽在中未達
 含而未章故坎為中男周流接合萬物既終造微更始
 明而未融故坎為少男陽乾圓坤女方柔男剛健時推

而福禍是將循化知生從變見亡故吉凶成敗不可亂也
也大過何也棟撓莫輔大者過也先王之馭世也刑設而不
犯罰者而不施言坎剛中惟以心亨王正其德公守厥職
上下不疑臣上無惑納約自牖非戶何咎車騎中門劔戟在
闔雖貴藜棘凶已三歲上六夫道刑決也故高宗伐鬼方柔
道中也三年有賞德乃豐也同人五號思其終也旅上之美
樂其窮也是以失刑者嚴而不檢喪德者高而不尊故君子
正義以守位固法以威民何衢則亨滅耳而凶也小過何也
踰位凌上害正危身小者過也既濟初六終亂何也水加日
上三陰乘陽以力求濟不止必亡故初吉終亂也未濟上六
飲酒無咎何也過而莫改危而弗聞誰咎之也無妄何也無
望而至非會合陰陽之違行也六三无妄之災或繫之牛行
人得之邑人災何也有國而不收其民有衆而不修其器
行人得之不亦災乎九五之疾勿藥何也非常之厚離以爲
同无妄之疾災以除凶天時成敗何疾之攻勿藥有喜不成
何識也龍者何也陽健之類盛德尊貴之喻也配天之厚
盛德莫高之謂尊貴大人受命處中當陽德之至也亢龍
有悔何也繼守承貴有因而德不充者也欲大而不顧其
小甘侈而不思其價居正上位而無卑有貴勞而無據喪
志危身是以悔也先王何也大入之功也故建萬國親諸
侯樹其義也作樂薦上帝正其命也省方觀民施其令也
明罰勅法督其政也閉關不行靜亂民也茂時育德應顯
其福也享帝立廟昭其

祿也稱聖王所造非承平之謂也后者何也成君定位
據業修制保教守法畜履治安者也故自然成功濟用
已聖一作至大道后成天地之道以左右民也成化理次
施令誥方因統紹衰中處將正之務非應初受命之事
也上者何也日月相易盛衰相及致飾則利之未捷受
故王后不稱君子不錯上以厚下道自然也君子者何
也佐聖扶命翼教明法觀時而行有道而臣人者也因
正德以理其義察危廢以守其身故經綸以正盈果行
以遂蒙一作義飲食以須時辯義以作事皆所以章先王
之建國輔聖人之神志也見險慮難思患預防之別物
居方盛初敬始皆人臣之行非大君之道也大人者何
也龍德潛達貴賤通明有位無稱大以行之故大道

示天下幽冥大人發輝重光繼明照于四方萬物仰生
合德天地不為而成故大人虎變天德興也君子曰易
順天地序萬物方圓有正體四時有常位事業有所麗
鳥獸有所萃故萬物莫不一也陰陽性生性故有剛柔
剛柔性生情故有愛惡愛惡生得失得失生悔吝悔吝
著而吉凶見八卦居方以正性著龜圓通以索情情性
交而利害出故立仁義以定性取著龜以制情仁智有
偶而禍福分是故聖人以建天下之位尊卑之制序陰
陽之適別剛柔之節順之者存逆之者亡得之者身安
失之者身危故犯之以別求者一作利雖吉必凶故知之
以守篤者雖窮必通故寂寞者德之主恣睢者賊之原
進往者及一作反之初終盡者始之根也是以未至不可

坼也已用不可越也紂有天下之號而比匹夫之類鄰
周處小侯之細而亨于西山之賓外內之應已施而貴
賤之名未分何也天道未究善惡未淳也是以明夫天
之道也不欲審乎人之得者不憂在上而不凌乎下處
卑而不犯乎貴故道不可逆德不可拂也是以聖人獨
立無悶大羣不益釋之而道存用之而不可既由此觀
之易以通矣

莊論

阮嗣宗

伊單闕之辰執徐之歲萬物權輿之時季秋遙夜之月
先生徘徊翱翔迎風而遊往遵乎赤水之上來登乎隱
壑之丘臨乎曲轅之道顧乎決莽之州恍然而止忽然
而休不識曩之所以行今之所以留悵然而無樂愀然
而歸白素焉平晝閒居隱几而彈琴於是緝紳好事之
徒相與聞之共議撰辭合句啓所常疑乃闕鑿整飭曠
齒先引推年躡踵相隨俱進奕奕然步臆臆然視投跡
蹈階趨而翔至羞肩而座恭袖而檢猶豫相林冀一作莫
官先占有一人是其中雄桀也乃怒目擊勢而大言曰
吾生平唐虞之後長乎文武之齋遊乎成康之隆盛乎
今者之世誦六經之教習乎五儒之迹被沙衣冠飛翮
垂曲裾揚雙鴟有曰久而未聞乎至道之要有以異之
於斯乎且夫人稱之細人承之類願聞之教以發其疑
先生曰何其子之所疑者客曰天道貴生地道貴貞聖
人修之以建其名吉凶有分是非有經務利高勢惡死
重生故天下安而大功成也今莊周乃齊禍福而一死

生以天地爲一物以萬類爲一指無乃激惑以失真而
自以爲誠是也於是先王乃撫琴客與慨然而嘆俛而
微笑仰而流盼噓喻精神言其所見曰昔人有欲觀於
閬峰之上者資端冕者服驪騮者几乘之耳非所以矯騰增
及端冕者常服之飾驪騮者几乘之耳非所以矯騰增
城之上遊玄圃之中也且燭龍之光不照一堂之上鍾
山之口不談曲室之內今將吾墮霍巍之高社衍漫之
流言子之所由幾其寤而獲及乎天地生於自然萬物
生於天地自然者無外故天地名焉天地者有內故萬
物生焉當其無外誰謂異乎當其有內誰謂殊乎地
其操天抗其濕月東出日西入隨以相從解而後合
謂之陽降謂之陰在地謂之理在天謂之文蒸謂之雨
散謂之風炎謂之火凝謂之冰形謂之石象謂之星朔
謂之朝晦謂之冥通謂之川回謂之源淵平謂之土積
謂之山男女同位山澤通氣雷風不相射水火不相勃
天地合其德日月順其光自然一體則萬物經其常入
謂之幽出謂之章一氣盛衰變化而不傷是以重陰雷
電非異出也天地日月非殊物也故曰自其異者視之
則肝膽楚越也自其同者視之則萬物一體也人生天
地之中體自然之形身者陰陽之精氣也性者五行之
正性也情者遊魂之變欲也神者天地之所以馭者也
以生言之則物無不壽推之以死則物無不夭自小視
之則萬物莫不小由大觀之則萬物莫不大殤子爲壽
彭祖爲夭秋毫爲火太山爲小故以死生爲一貫是非

爲一條也別而言之則鬚眉異名合而說之則體之一
毛也被六經之言分處之教也莊周之云致意之辭也
大而臨之則至極無外小而理之則物有其制夫守什
五之數審左右之名一曲之說也指自然佳天地者寥
廓之談也沉耳目之名分之施處官不易同舉奉其身
非以絕手足裂肢體也然後世之好異者不顧其本各
言我而已矣何待於彼殘生害性還爲讐敵斷割肢體
不以爲痛目視色而不顧耳之所聞耳所聽而不待心
之所思心奔欲而不適性之所安故疾癩萌則生不盡
禍亂作則萬物殘矣至人者恬於生而靜於死生恬則
情不惑死靜則神不離故能與陰陽化而不易從天地
變而不移生究其壽死循其宜心氣乎治消不虧是以

廣成子處崆峒之山以八元窮之門軒轅登崑崙之阜
而遺玄姝之根此則潛身者異以爲活而離本者難與
未存也馮夷不遇海則若不以已爲小雲將不失於其
鴻濛則無以知其少由斯言之自是者不章自建者不
立守其有者之據持其之者無執月弦則滿日朝則襲
咸池不留陽谷之上而懸車之後將入也故未得者喪
爭明者失欲者自足空虛者受實夫山靜而谷深者自
然之道也得之道而正者君子之實也是以作智造巧
者害於物明者是非者危其身脩飭以顯絜者惑於生
畏死而榮生者失亂一作其真故自然之理不得作天地
不泰而日月爭隨朝夕失期而晝夜無競逐趨利舛倚
橫馳父子不合君臣乖離故復言以求信者梁下之誠

也剋已以爲人郭外之仁也竊其雉經者亡家之子也
刳腹割肌者亂國之臣也曜菁華被沆瀣者昏世之士
也履霜露蒙塵埃者貪冒之民也潔已以尤世修身以
明澆者誹謗之屬也繁稱是非背質追文者迷罔之倫
也誠非媚悅以容平享故被珠玉以赴水火者桀紂之
終也含菽采薇交餓而死顏夷之窮也是以名利之塗
開則忠信之誠薄是非之辭着側醇厚之情一作樂作
樂也故至之極混一不分同爲一體得失無聞伏羲氏
結繩神農教耕逆之者死順之者生又安知貪澆之爲
罰而貞白之爲名乎使至德之要無外而已大均淳固
不貳其紀清靜寂寞空豁以俟善惡莫之分是非無所
爭故萬物反其所而得其情也儒墨之後堅曰並起吉

凶連物得失在心結徒聚儻辯說相侵昔大齊之世
晉之士嘗相與瞋目張膽分別此矣咸以爲百年之生
難致而日月之蹉無常皆僕馬脩衣裳美珠玉飾惟
出媚君上入欺父兄矯厲才智竟遂縱橫家以彗子殘
國以才臣亡故不終其天年而大自割繫其於世俗也
是以山中之木本大而莫傷復萬數竅一作相和忽焉
自忌夫鴈之不存無其質而濁其質而濁其質而
變而龜之見寶知吉凶也古之人清其質而濁其質而
濁其文死生無變而未始有云夫別言者懷道之談也
折辯者毀德之端也氣分者一身之疾也二心者萬物
之患也故夫裝束馮軾哉者行以離支一作慮在成敗
者坐而求敵踰阻攻險者趙氏之人也舉山填海者燕

楚之人也莊周見其若此故述道德之妙叙無爲之本
寓言之廣之假物以延之聊以娛無爲之心而逍遙於
一世豈將以希咸陽之門而與稷下爭辯也哉大善接
人者導焉而已無所逆之故公孟季子衣繡而見墨子
弗攻中山子牟心在魏闕而詹子不距因其所以來用
其所以至循而泰之使自居之發而開之使自舒之且
莊周之書何足道哉猶未聞夫太始之論玄古之微言
乎直能不害於物而形以生物無所毀而神以清形神
在我而道德成忠信不離而上下平茲容今談而同古
奩說而意殊是心能守其本而口發不相須也於是二
三子者風搖波蕩相視臆亂次而退古退蹉跌失跡
隨而望之耳後頗亦以是知其無實喪氣而慙愧於
僻也

樂論

阮嗣宗

劉子問曰孔子云安上治民莫善於禮移風易俗莫善
於樂夫禮者男女之所以別父子之所以成君臣之所
以立百姓之所以平也爲政之具靡先於此故安上治
民莫善於禮也夫金石絲竹鐘鼓管絃之音于戚羽旌
進退俯仰之容有之何益於政無之何損於化而日移
風易俗莫善於樂乎阮先生曰善哉子之問也昔者孔
子署其都乎且未舉其略也今將爲子論其凡而子自
備詳焉夫樂者天地之體萬物之性也合其體得其性
則和離其體失其性則乖昔者聖人之作樂也將以順
天地之體成萬物之性也故定天地八分之音以迎陰

陽八風之聲均黃鍾中和之律開群生萬物之情氣故
律呂協則陰陽和音聲適而萬物類男女不及其所君
臣不犯其位四海同其觀九州一其節奏之國一作山
而天神下之方岳而地祇上天地合其德則萬物合其
生刑賞一作罰不用而民自安天乾坤易簡故雅樂不煩
道德平淡故五聲無味不煩則陰陽通無味則百物自
樂曰遷善成化而不自知風俗移易而同於是樂此自
然之道樂之所始也其後聖人不作道德荒壞政法不
立智惠擾物化廢欲行各有風俗故造子始一作之之教謂
之風習而行之謂之俗楚越之風好勇故其俗輕死鄭
衛之風好淫故其俗輕蕩輕死故有火焰赴水之歌輕
蕩故有桑間濮上之典各歌其所好各談其所為欲之
者流涕聞之者難息背而太公之無不慷慨懷末日之娛
抱長夜之嘆歡相聚而合之群而習之靡靡無已棄父
子之親弛君臣之制遺一作室家之禮廢耕農之業忘
終身之業樂崇淫縱之俗故江淮之南其民好殘漳汝
之間其民好奔吳有雙劍之節趙有扶琴之客氣發於
中聲入於耳手足飛揚不覺其駭好勇則犯上淫放則
棄親犯上則君臣逆棄親則父子乖逆交爭則患生禍
起禍起而意愈異患生而慮不同故八方殊風九州異
俗乖離分背莫能相通音異氣別曲節不齊故聖人立
調適之音建平和之聲制便事之節定順從之容使天
下之為樂者莫不儀馬自上以下降殺有等至於庶人
咸皆聞之歌謠者詠先王之德頌仰者習先王之容器

具者象先王之式度數者應先王之制入於心淪於氣
先王一作先帝心氣和洽則風俗齊一聖人之爲進退頹仰之
容也將以屈形體服心意便所修安所事也歌誅詩曲
將以宣平和著不逮也鍾鼓所以節耳羽旄所以制目
聽之者不傾視之者不衰耳目不頹不衰則風俗移易
故移風易俗莫善于樂也故八音有本體五聲有自然
其同物者以大小相君有自然故不可亂大小相君故
可得而平也若天空桑之琴雲和之瑟竹之管泗濱之
磬其物皆調和淳均者聲相宜也故必有常處以大小
相君應黃鍾之氣故必有常數有常處故其器一作貴
重有常數故其制妄貴重故可得以事神不妄故可得
以化人其物係天地之象故不可妄造其凡似遠物之
音故不可妄易雅頌有分故人神不雜節會有數故曲
折不亂周旋有度故頹仰不惑歌詠有主故言語不悖
導之以善綏之以和守之以哀特之以久散其群比其
衣扶其天助其壽使夫風俗之偏習歸聖王之一化先
王之爲樂也將以定萬物之情一天下之意也故使其
聲平其容和不下思上之聲君不欲臣之色上下不爭
而忠義成夫正樂者所以屏淫聲也故樂廢則淫聲作
漢哀帝不好音罷省樂府而不知制正禮樂法不修淫
聲遂起張放淳于長驕縱過度丙疆景武當益於世罷
樂之後下移踰肆身不是好而淫亂愈甚者禮不設也
刑教一體禮樂外內也刑弛則教不獨行禮廢則樂無
所立尊卑有分上下有等謂之禮人安其生情意無哀

謂之樂車服旌旗宮室飲食禮之具也鐘磬鞀鼓琴瑟
歌舞樂之器也禮踰其制則尊卑乖樂失其序則親疏
亂禮定其象樂平其心禮治其外樂化其內禮樂正而
天下平昔衛人求擊擊纓曲縣而孔子嘆息蓋惜禮壞
而樂崩也夫鐘之者聲之主也縣者鐘之制也鐘失其
制則聲失其主主制無常則恠聲並出盛衰之代相及
古今之變若一故聖教廢毀則聰慧之人並造奇音景
王喜大鐘之律平公好師延之典曲公卿大夫拊手嗟
嘆庶人群生踊躍思聞正樂遂廢鄭聲大典雅頌之詩
不講而妖淫之曲是尋故延年造傾城之歌而孝武思
嬾嫚之召雍門作松栢之音愍王念未寒之服故倚靡
哀思之音發愁怨偷薄之辭興則人役有衆縱欲奢侈
之意人後有內顧自奉之心是以君子惡大凌之歌增
比里之舞也昔先王制樂非以縱耳目之觀崇曲房之
嬾也必通天地之氣靜萬物之神也固上下之位定性
命之真也故清廟之歌詠成功之績賓饗之詩稱禮讓
之則百姓化其善異俗服其德此淫聲之所以薄正樂
之所以貴也然禮與變俱樂與時化故五帝不同制三
王各異造非其相反應時變也夫百姓安服淫亂之聲
殘壞先王之正故後王必更作樂各宣其功德於天下
通其變使民不倦然但改其名目變造歌詠至於樂聲
平和自若故黃帝詠雲門之神少昊歌鳳鳥之跡咸池
六英之名既變而黃鐘之宮不改易故達道之化者可
與審樂好音好日之聲者不足與論律也舜命夔與作

龍典樂教胄子以中和之德也詩言志歌詠言聲依詠律和聲八音克諧無相奪倫神人以和又曰予欲聞六律五聲八音在治習以出納五言女聽夫煩乎淫聲汨湮心耳乃忘平和君子弗聽言正樂通平易簡心澄氣清以聞音律出納五言也夔曰曼繁鳴珠博拊琴必以詠祖考來格虞賓在位群后德讓下管鼗鼓合止祝故笙鏞以闡鳥獸踴躍韶九成鳳凰來儀夔曰於予繫石拊石百獸率舞庶尹允諧詩言志歌詠言操磬鳴琴以聲依律述先王之德故祖考之神來格也笙鏞以間正無一作樂聲希治修無害故繁毓踴躍然也樂有節適九成而已陰陽調達和氣均通故遠鳥來儀也質而不文四海合同故擊石拊石百獸率舞也言天下治平萬物得所音聲不華漠然未兆故衆官皆和也故孔子在齊聞韶三月不知肉味言至樂使人無欲心平氣定不以肉爲滋味也以此觀之知聖人之樂和而已矣自西陵青陽之樂皆取之竹聽鳳凰之鳴尊長風之象采大林之入當時之所不見百姓之所希聞故天下懷其德而化其神也夫雅樂周通則萬物和質靜則聽不淫易簡則節制令全一作神靜重則服人心此先王造樂之意也自後衰末之爲樂也其物不真其器不固其制不信取於送物同於人間各求其好恣意所存閭里之聲竟高末巷之音爭先童兒相聚以詠富貴芻牧負戴以歌賤貧君臣之植未廢而一人懷萬心也當夏后之未興女萬人衣以文繡食以糧肉端噪晨歌聞之者憂戚天

下苦其殃百姓傷其毒殷之李君亦奏斯樂酒池肉林
夜以繼日然咨嗟之音未絕而敵國已收其琴瑟矣滿
堂而飲酒樂奏而流涕此非皆有憂者也則此樂非樂
也當王居臣之時奏新樂於廣中聞之者皆為之悲咽
桓一作帝聞楚琴悽愴傷心倚房而悲慷慨長息曰善哉
乎為琴若此一而已足矣順帝上恭陵過樊衢聞鳥鳴
而悲泣下橫流曰善哉鳥聲使左右吟之曰使絲聲若
是豈不樂哉夫是謂以悲為樂者也誠以悲為樂則天
下何樂之有天下無樂而有陰陽調和災害不生亦已
難矣樂者使人精神平和衰氣不入天地交泰遠物來
集故謂之樂也今則流涕感動噓唏傷氣寒暑不適疾
不遂雖出絲竹宜謂之哀奈何俯仰嘆息以此稱樂
乎昔季流子向風而琴聽之者泣下沾襟弟子曰善哉
乎鼓琴亦已妙矣季流子曰樂謂之善哀謂之傷吾為
哀傷非為善樂也以此言之絲竹不必為樂歌詠不必
為善也故墨子之非樂也悲夫以哀為樂者胡疵玄耽
哀不變故願為黔首李斯隨哀不返故思逐狡兔嗚呼
君子可不鑒之哉

辯道論

曹子建

世有方士吾王悉所招致甘陵有甘始盧江有左慈陽
城有郝儉善辟穀悉號數百歲所以集之魏國者誠恐
此人之徒接姦詭以欺衆行妖惡以惑民豈復欲觀神
仙於瀛洲求安期於邊海釋金輅而顧雲輿弃文驥而
求飛龍哉夫帝者位殊萬國富有天下威尊彰明齊光

日月宮殿闕庭焜耀紫薇何顧乎王母之宮崑崙之域
哉夫三鳥被致不如百官之美也素女嫦娥不若椒房
之麗也雲衣羽裳不若黼黻之飾也鴛鴦載霓不若乘
輿之盛也瓊蕊玉華不若玉圭之潔也而顧為匹夫所
罔納虛妄之辭信眩惑之說隆禮以招弗臣傾產以供
應求散玉爵以榮之清閒館以居之經年累稔終無一
驗雖復誅其身滅其族紛然足以為天下一咲矣若夫
玄黃所以娛日鏗鏘所以聳耳媛妃所以紹光芻豢所
以悅口也何以甘無味之味聽無聲之樂觀無彩之色
也

公謙論

王文度

夫天道以無私成名二儀以至公立德立德存乎至公
故無親而非理成名在乎無私故在當而忘我此天地
所以成功聖人所以濟化由斯論之公道體於自然故
理泰而愈降謙義生於不足故時弊而義著故大禹咎
繇稱功言惠而成功於彼孟反范燮殿軍後入而全身
於此從此觀之則謙公之義固以殊矣夫物之所美已
不可收人之所貴我不可取誠患人惡其上人不可善
故君子居之而每加損焉隆名在於矯伐而不在於期
當匿迹在於違顯而不在於求是於是謙光之義與矜
競而俱生卑挹之義與夸伐而並進由親譽生於不足
未若不知之有餘良藥效於瘳疾未若無病之為貴也
夫軌道確然示人易矣坤道隤然示人簡矣二象顯於
萬物兩德彰於群生豈矯枉過直而失其所哉由此觀

之則大通之道公坦於天地謙伐之義險巖於人事今存公而廢謙則自伐者託至公以生嫌自美者因存黨以致惑此王生所謂同貌而實異不可不察者也然理必有源教亦有主苟探其根則玄指自顯若尋其末弊無不至豈可以嫌似而疑至公弊貪而忘於諒哉

辯謙論

韓康伯

夫尋理辯疑必先定其名分所存所存既明則彼我之趣可得而詳也夫謙之為義存乎降已者也以高從卑以賢同鄙故謙名生焉孤寡不穀人之所惡而侯王以自稱降其貴者也執御執射衆之所賤而君子以自目降其賢者也與夫山在地中之象其致豈殊哉捨此二者而更求其義雖南轅求宜終莫近也夫有所貴故有降焉夫有所美故有謙焉譬影響之與形聲相與而立道足者忘貴賤而一賢愚體公者乘理當而均彼我降挹之義於何而生則謙之為美固不可以語至足之道涉乎大方之家矣然君子之行已必尚於至當而必造乎至善至理在乎無私而動之於降已者何誠由未能觀於能鄙則貴賤之情立非忘懷於彼我則私已之累存當其所貴在我則矜值其所賢能之則伐處貴非矜而矜已者常有其貴言善非伐而伐善者驟稱其能是以知矜貴之傷德者故宅心於卑素悟驟稱之虧理者故情存乎不言情存乎不言則善斯匿矣宅心於卑素則貴斯降矣夫所况君子之流苟理有未盡情有未夷存我之理未冥於內豈不同心於降挹洗之所滯哉

體有而擬無者聖人之德有累而存理者君子之情雖
所滯不同其於造之緣有弊而用降已之道由私我而
存一也故懲忿窒欲著於損象卑以自牧實繫謙爻皆
所以存其所不足拂其所有餘者也王生之談以至理
無謙近得之矣云人有爭心善不可收假後物之迹以
逃動者之患以語聖賢則可施之於下斯者豈惟逃患
於外亦所以洗心於內也

安身論

潘正叔

蓋崇德莫大乎安身安身莫尚乎存正存正莫重乎無
私無私莫深乎寡欲是以君子安其身而後動易其心
而後語定其交而後求篤其志而後行然則動者吉凶
之端也語者榮辱之主也求者利病之幾也行者安危
之決也故君子不安動也動必適其道不徒語也語必
經於理不苟求也求必造於義不虛行也行必由於正
夫然用能免或繫之凶享自天之祐故身不安則始言
不從則悖交不審則惑行不篤則危四者行乎中則患
憂接於外矣憂患之接必生於自私而興於有欲自私
者不能成其私有欲者不能濟其欲理之至也欲苟不
濟能無爭乎私苟不從能無伐乎人人自私家家有欲
衆欲並爭群私交伐爭則亂之萌也伐則怨之府也怨
亂既構危害及之得不懼乎然棄本要末之徒知進忘
退之士莫不飾才銳智抽鋒擢穎傾側乎勢利之交馳
騁乎當塗之務朝有彈冠之朋野有結綬之友黨與熾
於前榮身扇其後握權則赴者鱗集失寵則散者瓦解

求利則託列頸之權爭路則構刻骨之隙於是浮僞波騰曲辯雲沸寒暑殊聲朝夕異價鴛鴦希奔放之跡鈔刀競一割之用至於愛惡相攻與奪交戰訓謗嗜毀譽縱橫君子務能小人伐技風類於上俗弊於下禍結而恨爭也不彊患至而悔代之未辯大者傾國喪家次則覆身滅祀其故何邪豈不始於私欲而終於爭伐哉君子則不然知自私之害公也故後外其身知有欲之傷德也故遠絕榮利知爭競之違災也故犯而不校知好伐之招怨也故有功而不德安身而不爲私故身正則私全慎言而不適欲故言濟而欲從定交而不求益故交立而益厚謹行而不求名故行成而名美止則立乎無私之域行則曰平不爭之塗必將通天下之理而濟萬物之性天下猶我故與天下同其欲已猶萬物故與萬物同其利夫能保其安者非謂崇生生之厚而耽逸豫之樂也不忘危而已有期進者非謂窮貴寵之榮而藉名位之重也不忘退而已存其治者非謂嚴刑政之威而明司察之禁也不忘辭而已故寢蓬室隱陋巷披短褐茹藜藿環堵而居易衣而出苟存乎道非不安也雖坐華殿載文軒服黼繡御方丈重門而處成列而行不得與之齊榮用天時分地利甘布衣安藪澤沾體塗足耕而後食苟崇乎德非不進也雖居高位饗重祿執權衡握機祕功蓋當時勢侔人士不得與之比逸遺意慮沒才智忘肝膽棄形器貌若有能志若不及苟正乎心非不治也雖繁計策廣術藝審刑名峻法制文辯

流離議論絕世不得與之爭功故安也者安乎道者也
進也者進乎德者也治也者治乎心者也未有安身而
不能保國家進德而未能處富貴治心而不能治萬物
者也然思危所以求安慮退所以能進懼亂所以保治
戒亡所以獲存也若乃弱志虚心曠神遠致徒倚乎不
拔之根浮遊乎無垠之外不自貴於物而物宗焉不自
重於人而人敬焉可親而不可慢也可尊而不可遠也
親之如不足天下莫之能狎也舉之如易勝而當世莫
之能困也達則濟其道而不榮也窮則善其身而不悶
也用則立於上而非爭也舍則藏於下而非讓也夫榮
之所不能動者則辱之所不能加也利之所不能勸者
則害之所不能嬰也譽之所不能益者則毀之所不能
損也今之學者誠能釋自私之心塞有欲之求杜交爭
之原去矜伐之態動則行乎至通之路靜則入乎大順
之門泰則翔乎寥廓之宇否則淪乎渾冥之泉邪氣不
能干其度外物不能擾其神哀樂不能盪其守死生不
能易其真而以造化爲工匠大地爲陶鈞名位爲糟粕
勢利爲埃塵治其內而不飾其外求諸已而不假諸人
忠肅以奉上愛敬以事親可以御一體可以牧萬民可
以處富貴可以安賤貧經盛衰而不改則庶幾能安身
矣

廣文選卷第六十七

廣文選卷第六十八

明通議大夫都察院右副都御史大庾劉節廣

論四

釋時論

王彥伯

東野丈人觀時以居隱耕汗腴之墟有米氏之子者出
 自洹寒之谷過而問塗丈人曰子奚自曰自涸陰之鄉
 奚適曰欲適煌煌之堂丈人曰入煌煌之堂者必有赫
 赫之光今子困於寒而欲求諸熱無得熱之方米子瞿
 然曰胡為其然也丈人曰融融者皆趣熱之士其得爐
 冶之門者惟挾炭之子苟非斯人不如其已米子曰吾
 聞宗廟之器 要華林之木四門之賓何必冠蓋之族
 前賢有解韋索而佩朱韍舍徒擔而乘丹轂由此言之

何恤而無祿推先王告我塗之速也夫人曰嗚呼子聞
得之若是不知時之在彼吾將釋子夫道有安危時有
險易才有所應行有所適英奇奮於從橫之世賢智顯
於霸王之初當厄難則騁權譎以良圖值制作則展儒
道以暢摠是則袞龍出於縕褐卿相起於匹夫故有朝
賤而夕貴先卷而後舒當斯時也豈計門資之高卑論
勢位之輕重乎今則不然上聖下明時隆道寧羣后逸
豫冥安守平百辟君子奕世相生公門有公卿門有卿
皆忝爵骨不簡蚩儻多士豐於貴族爵命不出閨庭四
門穆穆綜襦是盈仍叔之子皆爲老成賤有常辱貴有
常榮肉食繼踵於華屋蔬飯隴跡於耨耕談名位者以
諂媚附勢舉高譽者因資而隨形至乃空囂者以泓噲
爲雅量璫慧者以淺利爲鎗鎗胎者以無檢爲弘曠
僕垢者以守意爲堅貞朝孝者以麤發爲高亮韞蠶者
以色厚爲篤誠庵婪者以博納爲通濟眊眊者以難入
爲凝清拉荅者有沉重之譽嗛閃者得清勦之聲嗆呼
怯畏於謙讓闕茸勇敢於饕諱斯皆寒素之死病榮達
之嘉名凡茲流也視其用心察其所安責人必急於已
恒寬德無厚而自貴位未高而自尊眼罔嚮而遠視鼻
齟齬而刺天忌惡君子悅媚小人敖蔑道素懾吁權門
心以利傾智以勢昏姻黨相扇毀譽交紛當局迷於所
受聽採惑於所聞京邑翼翼羣士千億奔集勢門求官
買職童僕闢其車乘闈寺相其服飾親客陰叅於靖室
疏賓徙倚於門側時因接見矜厲容色心懷內在詐

剛直譚道義謂之俗生論政刑以爲鄙極高會曲宴惟
言遷除消息官無大小問是論力今以子孤寒懷真抱
素志凌雲霄偶景獨步直順常道關津難渡欲騁韓盧
時無狡兔衆塗圯塞投足何錯於是水子釋然乃悟曰
富貴人之所欲貧賤人之所惡僕少長於孔顏之門久
處於清寒之路不謂熱勢自共遮錮敬承明誨服我初
素彈琴誅典以保年祚伯成延陵高節可慕丹轂滅族
呂霍哀吟朝榮夕滅旦飛暮沉聃周道師巢由德林豐
屋部家易著明箴人薄位尊積罰難任三郤尸晉宋華
咎深投局正幅實獲我心

文章流別論

摯仲洽

文章者所以宣上下之像明人倫之敘窮理盡性以究
萬物之宜者也王澤流而詩作成功臻而頌興德勳立
而銘著嘉美終而誄集祝史陳辭官箴王闕周禮太師
掌教六詩曰風曰賦曰比曰興曰雅曰頌言一國之事
擊一人之本謂之風言天下之事形四方之風謂之雅
頌者美盛德之形容賦者敷陳之稱也比者喻類之言
也興者有感之辭也後世之爲詩者多矣其功德者謂
之頌其餘則總謂之詩頌詩之美者也古者聖帝明王
功成治定而頌聲興於是奏於宗廟告於鬼神故頌之
所美者聖王之德也古之作詩者發乎情止乎禮義情
之發因辭以形之禮義之指須事以明之故有賦焉所
所假象盡辭敷陳其志古詩之賦以情義爲主以事類
爲佐今之賦以事形爲本以義正爲助情義爲主則言

省而文有例矣事形爲本則言當而辭無常文之煩省辭之險易蓋由於此夫假象過大則與類相遠逸辭過壯則與事相違辯言過理則與義相失麗靡過美則與情相悖此四過者所以背大體而害政教是以司馬遷割相如之浮說楊雄疾辭人之賦麗以淫詩之流也有三言四言五言六言七言九言古詩率以四言爲體而時有一句二句雜在四言之間後世演之遂以爲篇古詩之三言者振振鷺鷺于飛之屬是也五言者誰爲雀無角何以穿我屋之屬是也六言者我姑酌彼金罍之屬是也七言者交交黃鳥止于桑之屬是也九言者洵酌彼行潦挹彼注茲之屬是也夫詩雖以情志爲本而以成聲爲節然則雅音之韻四言爲言其餘雖備曲折之體而非之正也

徙戎論

江應元

夫夷蠻戎狄謂之四海九服之制地在要荒春秋之義內諸夏而外夷狄以其言語不通贄幣不同法俗詭異種類乖殊或居絕域之外山河之表崎嶇川谷阻險之地與中國壤斷土隔不相侵涉賦役不及正朔不加故曰天子有道守在四夷禹平九土而西戎即敘其性氣貪婪凶悍不仁四夷之中戎狄爲甚弱則畏服強則侵叛雖有賢聖之世大德之君咸未能以通化率導而以恩德柔懷也當其強也以殷之高宗而憊於鬼方有周文王而患昆夷獫狁高祖困於白登孝文軍於霸上及其弱也周公來九譯之貢中宗納單于之朝以元成之

微而猶四夷賓服此其已然之效也故匈奴求守邊塞而侯應陳其不可單于屈膝未央望之議以不臣是以有道之君牧夷狄也惟以待之有備禦之有常雖稽顙執贄而而邊城不弛固守爲寇賊強暴而兵甲不加遠征期令境內獲安疆場不侵而已及至周室失統諸侯專征以大兼小轉相殘滅封疆不固而利害異心戎狄乘間得入中國或招誘安撫以爲已用故申繒之禍顛覆宗周襄公要秦遽興姜戎當春秋時義渠大荔居秦晉之域陸渾陰戎處伊洛之間郟瞞之屬害及濟東侵入齊宋陵虐邢衛南夷與北狄交侵中國不絕若綫齊桓攘之存亡繼絕北伐山戎以開燕路故仲尼稱管仲之力加左衽之功逮至春秋之末戰國方盛楚吞蠻氏晉翦陸渾趙武胡服開榆中之地秦雄咸陽滅義渠之等始皇之并天下也南兼百越北走匈奴五嶺長城戎卒億計雖師役煩殷寇賊橫暴然一世之功戎虜奔却當時中國無復四夷也漢興而都長安關中之郡號曰三輔禹貢雍州宗周豐鎬之舊也及至王莽之敗赤眉因之西都荒毀百姓流亡建武中以馬援領隴西太守討叛羌徙其餘種於關中居馮翊河東空地而與華人雜處數歲之後族類蕃息既恃其肥強且若漢人侵之末初之元騎都尉王弘使西域發調羌氏以爲行衛於是羣羌奔駭互相扇動二州之戎一時俱發覆沒將守屠破城邑鄧騭之征弃甲委兵輿尸喪師前後相繼諸戎遂熾至於南入蜀漢東掠趙魏唐突軹關侵及河內

及遣北軍中候朱寵將五營士於孟津距羗十年之中
夷夏俱斃任尚馬賢僅乃克之此所以爲害深重累年
不定者雖由禦者之無方將非其才亦豈不以寇發心
腹害起肘腋疾篤難療瘡大遲愈之故哉自此之後餘
燼不盡小有際會輒復侵叛馬賢狃怙終于覆敗段熲
臨衝自西徂東雍州之戎當爲國患中世之寇惟此爲
大漢末之亂關中殘滅魏興之初與蜀分隔疆場之戎
一彼一此魏武皇帝令將軍夏侯妙才討叛氐阿貴于
萬等後因拔弃漢中遂徙武都之種於秦川欲以弱寇
強國扞禦蜀虜此蓋權宜之計一時之執非所以爲萬
世之利也今者當之已受其弊矣夫關中土沃物豐厥
田上上加以涇渭之流溉其烏鹵鄭國白渠灌浸相通
黍稷之饒畝號一鍾百姓謠詠其殷實帝王之都每以
爲居未聞戎狄宜在此土也非我族類其心必異戎狄
志態不與華同而因其衰弊遷之畿服士庶翫習侮其
輕弱使其怨恨之氣毒於骨髓至於蕃育衆盛則坐生
其心以貪悍之性挾憤怒之情候隙乘便輒爲橫逆而
居封域之內無障塞之隔掩不備之人收散野之積故
能爲禍滋蔓累害不測此必然之勢已驗之事也當今
之宜宜及兵威方盛衆事未罷徙馮翊北地新平安定
界內諸羗著先夷卑析支之地徙扶風始平京兆之
氐出還隴右著陰平武都之界廩其道路之糧令足自
致各附本種反其舊土使屬國撫夷就安集之戎晉不
雜並得其所上合徃古即敘之義不爲盛世未久之規

縱有猾夏之心風塵之警則絕遠中國隔閡山河雖爲
寇暴所害不廣是以充國子剛能以數萬之衆制群羗
之命有征無戰全軍獨克雖有謀謨深計廟勝遠圖豈
不以華夷異處戎夏區別要塞易守之故得成其功也
哉難子曰方今關中之禍暴兵二載征戍之勞老師十
萬水旱之害荐飢累荒疫厲之災札瘥天昏凶逆旣戮
悔惡初附且款且畏咸懷危懼百姓愁苦異人同慮望
寧息之有期若枯旱之思雨露誠宜鎮之以安豫而子
方欲作役起徒興功造事使疲悴之衆徒自猜之寇以
無穀之人遷乏食之虜恐勢盡力屈緒業不卒羗戎離
散心不可一前害未及弭而後變復橫出矣答曰羗戎
狡獪擅相號署攻城野戰傷害牧守連兵聚衆載離寒
暑矣而今異類瓦解同種土崩老幼繫虜丁壯降散禽
離獸逆不能相一子以此等尚挾餘資悔惡友善懷我
德惠而來柔附乎將勢窮道盡智力俱困懼我兵誅以
至於此乎曰無有餘力勢窮道盡故也然則我能制其
短長之命而今其進退由已矣夫樂其業者不易事安
其居者無遷志方其自疑危懼畏怖促遽故可制以兵
威使之左右無違也迨其死亡散流離邊未鳩與關中
之人戶皆爲讐故可遐遷遠處令其心不懷土也夫聖
賢之謀事也爲之於未有理之於未亂道不著而平德
不顯而成其次則能轉禍爲福因敗爲功值困必濟遇
否能通今子遭弊事之終而不圖更制之始愛易轍之
勤而得覆車之軌何哉且關中之人百餘萬口率其少

多戎狄居半處之與邊必須口實若有窮乏糝粒不繼者故當傾關中之穀以全其生生之計必無擠於溝壑而不爲侵掠之害也今我邊之傳食而至附其種族自使相贍而秦地之人得其半穀此爲濟行者以廩糧遺居者以積倉竟關中之逼去盜賊之原除旦夕之損達終年之益若禪蠶舉之小勞而忘未逸之弘策惜日月之煩苦而遺累世之寇敵非所謂能開物成務創業垂統崇基拓迹謀及子孫者也并州之胡本實匈奴桀惡之寇也漢宣之世凍餒殘破國內五裂後合爲二呼韓邪遂衰弱孤危不能自存依阻塞下委質柔服建武中南單于復求降附遂令入塞居於漢南數世之後亦輒叛矣故倚熙染觀戎車屢征中半中以黃巾賊起發調其兵部衆不從而殺羌渠由是於彌扶羅求助於漢以討其賊仍值世喪亂遂乘釁而作鹵掠趙魏寇至河南建安中又使右賢王去卑誘質呼廚泉聽其部落散居六郡咸熙之際以一部大強分爲三率泰始之初又增爲四於是劉猛內叛連結外虜近者郝散之變發於穀遠今五部之衆戶至數萬人口之盛過於西戎然其天性驍勇弓馬便利倍於氏羌若有不虞風塵之慮則并州之域可爲寒心勞陽句驪本居遼東塞外正始中幽州刺史毋丘儉伐其叛者徙其餘種始徙之時戶落百數子孫孳息今以千計數世之後必至殷熾今百姓失職猶或亡叛犬馬肥充則有噬嚙況於夷狄能不爲變但顧其微弱勢力不陳耳夫爲邦者患不在貧而在不

均憂不在寡而在不安以四海之廣士庶之富豈須夷虜在內然後取足哉此等皆可中諭發遣還其本域慰彼羈旅懷土之思釋我華夏縶介之憂惠此中國以綏四方德施來世於計爲長

聲無哀樂論

嵇叔夜

有秦客問於東野主人曰聞之前論曰治世之音安以樂亡國之音哀以思夫治亂在政而音聲應之故哀思之情表於金石安樂之象形於管絃也又仲尼聞韶識虞舜之德季札聽絃知衆國之風斯已然之事先賢所不疑也今子獨以爲聲無哀樂其理何居若有嘉訊今請聞其說主人應之曰斯義久滯莫肯拯救故念歷世濫於名實今蒙啓導將言其一隅焉夫天地合德萬物

貴生寒暑代往五行以成故章爲五色發爲五音齊於之作其猶臭味在於天地之間其善與不善雖遭遺亂其體自若而不變也豈以愛憎易操哀樂改度哉及宮商集化聲音克諧此人心至願情欲之所鍾古人知情不可恣欲不可極因其所用每爲之節使哀不至傷樂不至淫斯其大較也然樂云樂云鍾鼓云乎哉哀云哀云哭泣云乎哉因茲而言玉帛非禮敬之實歌舞非悲哀之主也何以明之夫殊方異俗歌哭不同使錯而用之或聞哭而歡或聽歌而感然而哀樂之情均也今用均之情而發萬殊之聲斯非音聲之無常哉然聲音和比感人之最深者也勞者歌其事樂者舞其功夫內有悲痛之心則激切哀言言比成詩聲比成音雜而詠

之聚而聽之心動於和聲情感於苦言嗟歎未絕而泣涕流連矣夫哀心藏於苦心內遇和聲而後發和聲無象而哀心有主夫以有主之哀心因乎無象之和聲其所覺悟唯哀而已豈復知吹萬不同而使其自己哉風俗之流遂成其政是故國史明政教之得失審國風之盛衰吟詠情性以諷其上故曰亡國之音哀以思也夫喜怒哀樂愛憎慙懼凡此八者生民所以接物傳情區別有屬而不可溢者也夫味以甘苦為稱今以甲賢而心愛以乙愚而情憎則愛憎宜屬我而賢愚宜屬彼也可以我愛而謂之愛人我憎而謂之憎人所喜則謂之喜味所怒則謂之怒味哉由此言之則外內殊用彼我異名聲音自當以善惡為主則無關於哀樂哀樂自當以情感則無係於聲音名實俱去則盡然可見矣且季子在魯採詩觀禮以別風雅豈徒任聲以決臧否哉又仲尼聞韶歎其一致是以咨嗟何必因聲以知虞舜之德然後歎美耶今麤明其一端亦可思過半矣秦客難曰八方異俗歌哭萬殊然其哀樂之情不得不見也夫心動於中而聲出於心雖託之於他音寄之於餘聲善聽察者要自覺之不使得過也昔伯牙理琴而鍾子知其所志隸人擊磬而子產識其心哀魯人晨哭而顏淵審其生離夫數子者豈復假智於常音借驗於曲度哉心戚者則形為之動情悲者則聲為之哀此自然相應不可得逃唯神明者能精之耳夫能者不以聲眾為難不能者不以聲寡為易今不可以未遇善聽而謂之聲

無可察之理見方俗之多變而謂聲音無哀樂也又云
賢不宜言愛愚不宜言憎然則有賢然後愛生有愚然
後憎成但不當共其名耳哀樂之作亦有由而然此為
聲使我哀音使我樂也苟哀樂由聲更為有實何得名
實俱去耶又云又云季子採詩觀禮以別風雅仲尼歎
韶音之一致是以咨嗟是何言歟且師襄奉操而仲尼
視文王之容師涓進曲而子野識亡國之音寧復講詩
而後下言習禮然後立評哉斯皆神妙獨見不待留聞
積日而已綜其吉凶矣是以前史以為美談今子以區
區之近知齊所見而為限無乃誣前賢之識微負夫子
之妙察耶主人答曰難云雖歌哭萬殊善聽察者要自
覺之不假智於常音不借驗於曲度鍾子之徒云云是
也此為心悲者雖談笑鼓舞情歡者雖拊膺咨嗟猶不
能御外形以自匿誑察者於疑似也以為就令聲音之
無常猶謂當有哀樂耳又曰季子聽聲以知衆國之風
師襄奉操而仲尼觀文王之容案如所云此為文王之
功德與風俗之盛衰皆可象之於聲音聲之輕重可移
於後世襄涓之巧能得之於將來若然者三皇五帝可
不絕於今日何獨數事哉若此果然也則文王之操有
常度韶武之音有定數不可雜以他變操以餘聲也則
向所謂聲音之無常鍾子之觸類於是乎躡矣若音聲
無鍾子觸類其果然耶則仲尼之識微季札之善聽固
亦誣矣此皆俗儒妄記欲神其事而追為可欲令天下
惑聲音之道不言理自盡此而推使神妙難知恨不遇

奇聽於當時慕古人而自歎斯所以大罔後生也夫推
類辨物當先求之自然之理理已定然後借古義以明
之耳今未得之於心而多恃前言以爲談證自此以往
恐巧歷不能紀又難云哀樂之作猶愛憎之由賢愚此
爲聲使而哀而音使我樂苟哀樂由聲更爲有實矣夫
五色有好醜五聲有善惡此物之自然也至於愛與不
愛人情之變統物之理唯止於此然皆無豫於內待物
而成耳至夫哀樂自以事會先遘於心但因和聲以自
顯發故前論已明其無常今復假此談以正名號耳不
謂哀樂發於聲音如愛憎之生於賢愚也然和聲之感
人心亦猶酒醴之發人情也酒以甘苦爲主而醉者以
喜怒爲用其見歡戚爲聲發而謂聲有哀樂不可見喜
怒爲酒使而謂酒有喜怒之理也秦宓難曰夫觀氣操
色天下之通用也心變於內而色應於外較然可見故
吾子不疑夫聲音氣之激者也心應感而動聲從變而
發心有盛衰聲亦降殺同見役於一身何獨於聲便當疑
耶夫喜怒章於色詎哀樂亦宜形於聲音聲音自當有
哀樂但聞者不能識之至鍾子之徒雖遭無常之聲則
頽然獨見矣今矇瞽面墻而不悟離婁照秋毫於百尋
以此言之則明闇殊能矣不可守咫尺之度而疑離婁
之察執中庸之聽而猜鍾子之聰皆謂古人爲妄託也
主人答曰難云心應感而動聲從變而發心有盛衰聲
亦降殺哀樂之情必形於聲音鍾子之徒雖遭無常之
聲則頽然獨見矣必若所言則濁質之飽首陽之饑下

和之寃伯奇之悲相如之含怒不占之怖祗千變百態
使各發一誅之詠同啓數彈之微則鍾子之徒各審其
情矣爾爲聽聲者不以寡衆易思察情者不以大小爲
異同出一身者期於識之也設使從下則子野之徒亦
當復操律鳴管以考其音知南風之盛衰別雅鄭之淫
正也夫食辛之與其噉薰目之與哀泣同用出淚使狄
牙嘗之必不言樂淚甜而哀淚苦斯可知矣何者肌液
肉汗踈笮便出無主於哀樂猶筵酒之囊漉雖笮具不
同而酒味不變也聲俱一體之所出何獨當含哀樂之
理也且夫咸池六莖大章韶夏此先王之至樂所以動
天地感鬼神今必云聲音莫不象其體而傳其心此必
爲至樂不可託之於瞽史必須聖人理其弦管爾乃雅
音得全也舜命夔擊石拊石八音克諧神人以和以
言之至樂雖待聖人而作不必聖人自執也何者音聲
有自然之和而無係於人情克諧之音成於金石至和
之聲得於管絃也夫纖毫自有形可察故離瞽以明闇
異功耳若以水濟水孰異之哉秦客難曰雖衆喻有隱
足招攻難然其大理當有所就若葛盧聞牛鳴知其三
子爲犧師曠吹律知南風不兢楚師必敗羊舌母聽聞
兒啼而審其喪家凡此數事皆效於上世是以咸見錄
載推此而言則盛衰吉凶莫不存乎聲音矣今若復謂
之誣罔則前言往記皆爲棄物無用之也以言通論未
之或安若能明斯所以顯其所由設二論俱濟願重聞
之主人答曰吾謂能反三隅者得意而言是以前論畧

而未詳今復煩循環之難敢不自一竭耶夫魯牛能知
犧曆之喪生哀三子之不存含悲經年訴怨葛盧此爲
心與人同異於獸形耳此又吾之所疑也且牛非人類
無道相通若謂鳴獸皆能有 葛盧受性獨曉之此爲
稱其語而論其事猶譯傳異言耳不爲考聲音而知其
情則非所以爲難也若謂知者爲當觸物而達無所不
知今且先議其所易者請問聖人卒入胡域當知其所
言否乎難者必曰知之知之之理何以明之願借子之
難以立鑒識之域或當與關接識其言耶將次律鳴管
校其音耶觀氣採色知其心耶此爲知心自由氣色雖
自不言猶將知之知之之道可不待言也若吹律校音
以知其心假令心志於馬而誤言鹿察者固當由鹿以
弘馬也此爲心不係於所言言或不足以證心也若當
關接而知言此爲孺子學言於所師然後知之則何貴
於聰明哉夫言非自然一定之物五方殊俗同事異號
舉一名以爲標識耳夫聖人窮理謂自然可尋無微不
照理蔽則雖近不見故異域之言不得強通推此以往
葛盧之不知牛鳴得不全乎又難云師曠吹律知南風
不兢楚多死聲此又吾之所疑也請問師曠吹律之時
楚國之風耶則相去千里聲不足達若正識楚國來入
律中耶則楚南有吳越北有梁宋苟不見其原奚以識
之哉凡陰陽憤激然後成風氣之相感觸地而發何得
發楚庭來入晉乎且又律呂分四時之氣耳時至而氣
動律應而灰移皆自然相待不假人以爲用上生下

生所以均五聲之和敘剛柔之分也然律有一定之聲雖冬吹中呂其音自滿而無損也今以晉人之氣吹無韻之律楚風安得來入其中與為盈縮耶風無形聲與律不通則校理之地無取於風律不其然乎豈獨師曠多識博物自有以知勝敗之形欲固衆心而託以神微若伯常騫之語亦公事哉又難云羊舌母聽聞兒啼而審其喪家復請問何由知之為神心獨悟闇語而當耶嘗聞兒啼若此其大而惡今之啼聲似昔之啼聲故知其喪家耶若神心獨悟闇語之當非理之所得也雖曰聽啼無取驗於兒聲矣若以嘗聞之聲為惡故知今啼當惡此為以甲聲為度以校乙之啼也夫聲之於音猶形之於心也有形同而情乖貌殊而心均者何以明之聖人齊心等德而形狀不同也苟心同而形異則何言乎觀形而知心哉且口之激氣為聲何異於籟籥納氣而鳴耶啼聲之善惡不由兒口吉凶猶琴瑟之清濁不在操者之工拙也心能辨理善談而不能令為籟調利猶瞽者能善其曲度而不能令器必清和也器不假妙瞽而良籟不因惠心而調然則心之與聲明為二物二物之誠然則求情者不留觀於形貌揆心者不借聽於聲音也察者欲因聲以知心不亦外乎今晉母未得之於老成而專信昨日之聲以證今日之啼豈不誤申於前世好奇者從而稱之哉秦客難曰吾聞敗者不羞走所以全也吾心未厭而言難復更從其餘今平和之人聽箏笛琵琶則形躁而志越聞琴瑟之音則聽靜而心

閑同一器之中曲用每殊則情隨之變奏秦聲則歎美而慷慨理齊楚則情一而思專肆姣弄則歡放而欲愜心為聲變若此其衆苟躁靜由聲則何為限其哀樂而但云至和之聲無所不感託大同於聲音歸衆變於人情得無知彼不明此哉主人答曰難云琵琶箏笛令人躁越又云曲用每殊而情隨之變此情所以使人常感也琵琶箏笛間促而聲高變衆而節數以高聲御數節故更形躁而志越猶鈴鐸警耳鍾鼓駭心故聞鼓鞀之音思將帥之臣蓋以聲音有大小故動人有猛靜也琴瑟之體聞遼而音埤變希而聲清以埤音御希變不虛心靜聽則不盡清和之極是以聽靜而心閑也夫曲用不同亦猶殊器之音耳齊楚之曲多重故情一變妙故思專姣弄之音扼衆聲之美會五音之和其體贍而用博故心侈於衆理五音會故歡放而欲愜然皆以單複高埤善惡為體而人情以躁靜而容端此為聲音之體盡於舒疾情之應聲亦止於躁靜耳夫曲用每殊而情之處變猶滋味異美而口輒識之也五味萬殊而大同於美曲變雖衆亦大同於和美有甘和有樂然隨曲之情盡於和域應美之口絕於甘境安得哀樂於其間哉然人情不同自師所解則發其所懷若言平和哀樂正等則無所先發故終得躁靜若有所發則是有主於內不為平和也以此言之躁靜者聲之功也哀樂者情之主也不可見聲有躁靜之應因謂哀樂皆由聲音也且聲音雖有猛靜猛靜各有一和和之所感莫不自發何

以明之夫會賓盈堂酒酣奏琴或忻然而歡或慘爾而泣非進哀於彼導樂於此也其音無變於昔而歡感並用斯非吹萬不同耶夫唯無主於喜怒無主於哀樂故歡感俱見若資偏固之音含一致之聲其所發明各當其分則焉能兼御羣理總發衆情耶由是言之聲音以平和為體而感物無常心志以所俟為主應感而發然則聲之與心殊塗異軌不相經緯焉得染太和於歡感綴虛名於哀樂哉秦客難曰論云猛靜之音各有一和和之所感莫不自發是以酒酣奏琴而歡感並用此言偏并之情先積於內故懷歡者值哀音而發內感者遇樂聲而感也夫音聲自當有一定之哀樂但聲化遲緩不可倉卒不能對易偏重之情觸物而作故今哀樂同時而應耳雖二情俱見則何損於聲音有定理耶主人答曰難云哀樂自有定聲但偏重之情不可卒移故懷感者遇樂聲而哀耳即如所言聲有定分假使鹿鳴重奏是樂聲也而今感者遇之雖聲化遲緩但當不能使變令歡耳何得更以哀耶猶一爝之火雖未能溫一室不宜復增其寒矣夫火非隆寒之物樂非增哀之具也理絃高堂而歡感並用者豈主和之發滯導情故令外物所感得自盡耳難云偏重之情觸物而作故今哀樂同時而應耳夫言哀者或見机杖而泣或覩輿服而悲徒以感人亡而物存痛事顯而形潛其所以會之皆自有由不為觸地而生哀當席而淚出也今見机杖以致感聽和聲而流涕者斯非和之所感莫不自發也秦客

難曰論云酒酣秦琴而懽感並用欲通此言故答以偏
情感物而發耳今且隱心而言明之以成效夫人心不
懽則感不感則懽此情志之大域也然泣是感之傷笑
是懽之用蓋聞齊楚之曲者唯覩其哀涕之容而未嘗
見笑噓之貌此必齊楚之曲以哀爲體故其所感皆應
其度量豈徒以多重而少變則致情一而思專耶若誠
能致泣則聲音之有哀樂斷可知矣主人答曰雖人情
感於哀樂哀樂各有多少又哀樂之極不必同致也夫
小容壞甚悲而泣哀之方也小懽顏悅至樂心愉樂
之理也何以明之夫至親安豫則恬若自然所自得也
及在危急僅然後濟則拚不及舞由此言之舞之不若
向之自得豈不然哉至夫笑噓雖出於懽情然自然應
聲之具也此爲樂之應聲以自得爲主哀之應感以垂
涕爲故垂涕則形動而可覺自得則神合而無憂是以
觀其異而不識其同別其外而未察其內耳然笑噓之
不顯於聲音豈獨齊楚之曲耶今不求樂於自得之域
而以無笑噓謂齊楚體哀豈不知哀而不識樂乎秦客
問曰仲尼有言移風易俗莫善於樂即如所論凡百哀
樂皆不在聲即移風易俗果以何物耶又古人慎靡靡
之風抑悖耳之聲故曰放鄭聲遠佞人然則鄭衛之音
擊鳴球以協神人敢問鄭雅之體隆弊所極風俗移易
奚由而濟幸重聞之以悟所疑主人應之曰夫言移風
易俗者必承衰弊之後也古之王者奉天理物必崇簡
易之教御無爲之治君靜於上臣順於下玄化潛通天

人交泰枯槁之類浸育靈液六合之內沐浴鴻流蕩滌
塵垢羣生安逸自求多福默然從道懷忠抱義而不覺
其所以然也和心足於內和氣見於外故歌以敘志舞
以宣情然後文之以采章照之以風雅播之以八音感
之以太和導其神氣養而就之迎其情性致而明之使
心與理相順和與聲相應合乎會通以濟其美故凱樂
之情見於金石合弘光大顯於音聲也若以往則萬國
同風芳榮濟茂馥如秋蘭不期而信不謀而誠穆然相
愛猶舒錦綵而粲炳可觀也大道之隆莫盛於茲太平
之業莫顯於此故曰移風易俗莫善於樂樂之爲體以
心爲主故無聲之樂民之父母也至八音會諧人之所
悅亦總謂之樂然風俗移易不在此也夫音聲和比人
情所不能已者也是以古人知情之不可放故抑其所
遁知欲之不可絕故因其所自爲可奉之禮制可導之
樂口不盡味樂不極音揆終始之宜度賢愚之中爲之
檢則使遠近同風用而不竭亦所以結忠信著不遷也
故鄉校庠塾亦隨之變絲竹與俎豆並存羽毛與揖讓
俱用正言與和聲同發使將聽是聲也必聞此言將觀
是容也必崇此禮禮猶賓主升降然後酬酢行焉於是
言語之節聲音之度揖讓之儀動止之數進退相須共
爲一體君臣用之於朝庶士用之於家而習之長而
不怠心安志固從善日遷然後臨之以敬持之以久而
不變然後化成此又先王用樂之意也故朝宴聘享嘉
樂必存是以國史採風俗之盛衰寄之樂工宣之管絃

使言之者無罪聞之者足以自誠此又先王用樂之意也若夫鄭聲是音聲之至妙妙音感人猶美色惑志耽槃荒酒易以喪業自非至人孰能禦之先王恐天下流而不反故具芘八音不瀆其聲絕其大和不窮其變指窈窕之聲使樂而不淫猶大羹不和不及勺藥之味也若流俗淺近則聲不足悅又非所歡也若上失其道國喪其紀男女奔隨姪荒無度則風以此變俗以好成尚其所志則羣能肆之樂其所習則何以誅之託於和聲配而長之誠動於言心感於和風俗一成因而名之然所名之聲無於淫邪也淫之與正同乎心雅鄭之體亦足以觀矣

錢神論

曾子道

石同公子富貴不齒盛服而遊京邑駐駕乎市里顧見綦母先生斑白而徒行公子曰嘻子年已長矣徒行空手將何之乎先生曰欲之貴人公子曰學詩乎曰學矣學禮乎曰學矣學易乎曰學矣公子曰詩不云乎幣帛筐篚以將其厚意然後忠臣嘉賓得盡其心禮不云乎男贄玉帛禽鳥女贄榛栗棗修易不云乎隨時之義大矣哉吾視子所以觀子所由豈隨世哉雖曰已學吾必謂之未也先生曰吾將以清談為筐篚以機神為幣帛所謂禮云禮云玉帛云乎哉者已公子拊髀大笑曰固哉子之云既不知古又不知今當今之急何用清談時易世變古今異俗富者榮貧者賤辱而子尚質而子守實無異於遺劍刻船膠鬲調瑟貧不離於身名譽不

出乎家室固其宜也昔神農氏沒黃帝堯舜教民農桑以幣帛爲本上智先覺變通之乃掘銅山俯視仰觀鑄而爲錢故使內方象地外圓象天錢之爲體有乾有坤其積如山其流如川動靜有時行藏有節市井便易不患耗折難朽象壽不遺象道故能長久爲世神寶親愛如兄字曰孔方失之則貧得之則富強無翼而飛無足而走解嚴毅之顏開難發之口錢多者處前錢少者居後詩云哿矣富人哀此棗獨豈是之謂乎錢之爲言泉也百姓日用其源不匱無遠不往無深不至京邑衣冠疲勞講肄厭聞清談對之睡寐見我家兄莫不驚視錢之所祐吉無不利何必讀書然後富貴由是論之可謂神物無位而尊無勢而熱排朱門入紫闥錢之所在危可使安死可使活錢之所去貴可使賤生可使殺是故忿諍辯訟非錢不勝孤弱幽滯非錢不拔怨仇嫌恨非錢不解今聞笑談非錢不發諺曰錢無耳可聞使豈虛也哉又曰有錢可使鬼而況於人乎子夏云死生有命富貴在天吾以死生無命富貴在錢何以明之錢能轉禍爲福因敗爲成危者得安死者得生性命長短相祿貴賤皆在乎錢天何與焉天有所短錢有所長四時行焉百物生焉錢不如天窮達開塞振貧濟乏天不如錢若臧武仲之智卞莊子之勇冉求之藝文之以成人矣今之成人者何必然嗚呼孔方而已夫錢窮者能使通達富者能使溫暖貧者能使勇悍故曰君無財則士不來君無賞則士不往諺曰官無中人不歸田雖有中

大而無家兄何異無足而欲行無翼而欲翔使才如顏子容如子張空手掉臂何所希望不如早歸廣修農商舟車上下役使孔方凡百君子同塵和光上交下接名譽益彰

達性論

何承天

夫兩儀既住帝王參之宇中莫尊焉天以陰陽分地以剛柔用人以仁義立人非天地不生天地非人不靈三才同體相須而成者也故能稟氣清和神明特達情綜古今智周萬物妙思窮幽蹟制作倖造化歸仁與能是為君長撫仰黎元助天宣德日月淑清四靈來格祥風協律玉燭揚暉九穀芻豢陸產水育醲醖白品備其膳羞棟宇舟車銷金合土絲紵玄黃供其器服文以禮度

娛以八音庶物殖生罔不備設夫民用儉則易足易足則力有餘力有餘則志情泰樂治之心於是生焉事簡則不擾不擾則神明靈神明靈則謀慮審濟治之行於是成焉故天地以儉素訓民乾坤以易簡示人所以訓示慤懃若此之篤也安得與夫飛沉蠓蠕並為衆生哉若夫衆生者取之有時用之有道行火俟風暴收漁候豺獭所以順天時也大夫不麝郊庶人不數畧行葦作歌霄魚垂化所以愛人用也庖廚不適五犯是翼殷后改祝孔鈞不綱所以明人道也至於生必有死形斃神散猶春榮秋落四時代換奚有於更受形哉詩云愷悌君子求福不回言弘道之在已也三后在天言精靈之升遐也若乃內懷嗜欲外憚權教慮深方生施而望報

在昔先師未之或言余固不敏罔知請事焉矣

安邊論

何承天

漢世言備匈奴之策不過二科武夫盡征伐之謀儒生講和親之約課其所言牙有遠志加塞漠之外胡敵掣肘必未能摧鋒引日規自開張當由往年冀土之民附化者衆二州臨境三王出藩經畧既張宏圖將舉士女延望華夷慕義故昧於小利且自矜侈外示餘力內堅偽衆今若務存遵養許其自新雖未可羈致北闕猶足鎮靜邊境然和親事重當盡廟筭誠非愚短所能究言若追蹤衛霍瀚海之志時事不等致功亦殊寇雖習戰來久又全據燕趙跨帶秦魏山河之險終古如一自非大田淮泗內實青徐使民有羸儲野有積穀然後分命方召撫率虎旅精卒十萬使一舉盪夷則不足爲師以勞天下何以言之今遺黎習亂志在偷安非皆耻爲左袵遠慕冠冕徒以殘害剝辱視息無寄故縱負歸國元後相尋虜旣不能校勝循理攻城畧地而輕兵掩襲急狂驅殘是其所以速怨召禍滅亡之日今若遣軍追討報其侵暴大剪幽冀屠城破邑則聖朝愛育黎元方濟之以道若但欲撫其歸附伐罪弔民則駿馬奔走不肯來征徒興巨費無損於彼復奇兵深入殺敵破軍苟陵患未盡則困獸思鬪報復之役將遠無已斯秦漢之末策輪臺之所悔也安邊固守於計爲長臣以安邊之計備在史策李牧言其端嚴尤申其要大畧舉矣曹徐之霸才均智敵江淮之間不居各數百里魏捨合肥

退保新城江陵移民南漢濡須之戍家停羨溪及表陵
之屯民夷散雜晉宣王以爲宜從江南以北岸曹爽不
許果亡相中此皆前代之殷鑒也何昔斥候之郊非畜
牧之地非耕桑之邑故堅壁清野以俟其來征甲繕兵
以乘其敝雖時有古今勢有強弱保民全境不出此塗
要而歸之有四一曰移遠就近二曰浚復城隍三曰募
偶車牛四曰計丁課仗良守疆其土田曉帥振其風畧
蒐獵宣其號令俎豆訓其廉耻縣爵以縻之設禁以威
之徑稅有程寬猛相濟比及十載民知義方然後簡將
授奇楊旌雲朔風卷河冀電埽嵩恒燕弧折卻代馬摧
足秦首斬其右臂吳蹄絕其左肩銘功於燕然之阿塞
徒於金微之曲寇雖亂亡有微昧弱易取若天時人事

或未盡符抑銳俟機官審其策若邊戍夫適是亦有野
勤惰異教貧富殊資疆場之民多懷彼此虞在去就不
根本業難可驅率易在振蕩又狡虜之性食肉衣皮以
馳騁爲儀容以游獵爲南畝非有車輿之安宮室之衛
櫛風沐雨不以爲勞靈寤草履維其常性勝則競利敗
不羞走彼來或聚或散此已弄波且今春踰濟旣獲其利
乘勝怵伏未虞天誅比及秋夫容更送死焱騎蟻聚輕
兵鳥集竝踐禾稼焚燒廬舍將多略未審何以禦
之若盛師連屯廢農必衆馳直充驍起役必遲散金行
賞捐費必大換土客戍怨曠必繁孰若因民所居竝修
農戰無動衆心勞有扞衛之實其爲利害優劣相縣也
一曰移遠就近以實內地今青兗舊民冀州新附在界

首者二萬家此寇之資也今悉可內徙青州民移東萊
正昌北海諸郡太山以南南至下邳左沐右沂田良野
沃西阻蘭陵北阨大嶮四塞之內其號險固民性重遷
聞於國始無虜之時喜生咨怨今新被鈔掠餘懼未息
若曉示安危居以樂土宜其歌拚就路視遷如歸二曰
浚復城隍以增阻防舊秋冬收斂民人入保所以警備
暴客使防衛有素也古之城池處處皆有今雖積毀猶
可修治粗計戶數量其所容新徙之家悉箸城內假其
經用爲之間伍納稼築場還在一處婦子守家長吏爲
師丁夫匹婦春夏佃牧寇至之時一城千室堪戰之士
不下二千其餘羸弱猶能登陬鼓譟十則圍之兵家舊
說戰士二千足抗群虜三萬矣三曰纂偶車牛以飾戎
械計千家之資不下五百耦牛爲車伍伯兩參合鈎連
以衛其衆設使城不可固乎行趨險賊所不能干既已
族居易可檢括號令先明民知夙戒有急徵發信宿可
聚四曰計丁課仗勿使有闕千家之邑戰士二千隨其
便能各自有仗素所服習銘刻由已還保輸之於庫出
行請以自衛弓榦利鐵民不辦得者官以漸充之數年
之內軍用粗備矣臣聞軍國異容施於封畿之內兵農
竝脩在於疆場之表攻守之宜皆因其習任其怯勇山
陵川陸之形寒暑溫涼之氣各由本性易則害生是故
戍申作師遠屯清濟功費既重詹怨亦深以臣料之未
若即用彼衆之易也管子治齊寄令在民商君爲秦設
以耕戰終申威定霸行其志業非尙任強實由有數梁

用走卒其邦自滅齊用技擊厥衆亦離漢魏以來茲制漸絕蒐田非復先王之禮治兵徒逞耳目之欲有急之日民不知戰至乃廣延賞募奉以厚秩發遽奔救天下騷然方伯刺史拱手坐聽自無經畧唯望朝廷遣軍此皆忘戰之害不教之失也今移民實內浚治城隍族居聚處課其騎射長吏簡試差品能不甲科上第漸就優別明其勲才表言州郡如此則屯部有常不遷其業內護老弱外通官塗朋曹素定同憂等樂情由習親藝困事著書戰見貌足相識夜戰聞聲足相救斯教戰之一隅先哲之遺術論者必以古城荒毀難可修復今不謂頓便加功整麗如舊但欲先定民營其閭術墉壑存者因而即之其有毀缺權時研斲足以禦彼輕兵防遏游騎假以方將漸就只立車牛之賦課仗之宜攻守所軍國之要今因民所利導而率之耕農之器爲府庫之寶田蠶之氓兼城之用千家總倍旅之兵萬戶具全軍之衆兵強而敵不戒國富而民不勞比於優復隊伍坐食廩糧者不可同年而較矣今承平日久邊令弛縱弓繇利鐵既不都斷徃歲棄甲垂二十年課其所住理應消壞謂宜申明舊科嚴加禁塞諸商賈徃來幢隊挾藏者皆以軍法治之又界上嚴立關候杜廢閒蹊城保之境諸所課仗竝加雕鏤別造程式若有遺缺亡刃及私爲竊盜者皆可立驗於事爲長又鉅野湖澤廣大南通洙泗北連青齊有舊縣城正在澤內宜立式修復舊堵利其埭遏給輕艦百艘寇若入境引艦出戰左右隨宜

應接據其師津毀其航濬此以利制重運我所長亦微
徹敵之要也

肉刑論

袁宏

夫民心樂全而不能常蓋利用之物懸於外而嗜慾之
情動於內也於是以進取貪競之行希求放肆不已不
能充其嗜慾則苟且繳待之所生也希求無饜無以愜
其慾則姦偽忿怒之所興也先王知其如此而欲救其
弊故先以德禮陶化其心不化然後加以刑辟書曰
百姓不親五品不遜汝作司徒敬敷五教蠻夷猾夏寇
賊姦宄汝作士五刑有服然則德刑之設然而用之者
也三代相因其義許焉周禮使墨者守門劓者守闕宮
者守內刑者守圜此肉刑之制可得而論也荀卿亦云

殺人者死傷人者刑百王之所同未有知其所由來者
也夫殺人者死而相殺者不已是大辟可以懲未殺不
能使天下無殺也傷人者刑而害物者不息是黥劓可
以懼未刑不能使天下無刑也故將欲止之莫若先以
德化夫罪過彰著然後入於刑辟是將殺人者不必死
傷人者不必刑縱而弗化則陷於刑辟故刑之所制在
於不可移之地禮教則不然黜其善惡所以僭勸其情
消之於未殺也示之耻辱所以內愧其心治之於未傷
也故過微而不至於著罪薄而不及於刑終入不由其
道求之於戰陣則非孫吳之倫也考之於道藝則非孔
氏之門也以變詐為務則非忠信之事也以劫殺為名
則非仁者之意也而空妨日廢業終無補益是何異設

求而擊之置石而投之哉且君子之居室也勤身以致
養其在朝也竭命以納忠臨事且猶盱食而何博奕之
足耽夫然故孝友之行立貞純之名彰也方今大吳愛
命海內未平聖朝軋軋務在得人勇略之士則受熊虎
之任儒雅之徒則處龍鳳之署百行兼苞文武並騫博
選良才旌簡髦俊設程試之科垂金爵之賞誠千載之
嘉會百世之良遇也當世之士宜勉思至道愛切惜功
以佐明時使名書史籍勛在盟府乃君子之上務當今
之先急也夫一木之杵孰與方國之封枯棊三百孰與
萬人之將袞龍之服金石之音足以兼碁局而貿博奕
矣假令世士移博奕之力而用之於詩書是有顏閔之
志也用之於智計是有良平之思也用之於資貨是有
猗頓之富也用之於射御是有將帥之備也如此則功
名立而鄙賤遠矣

諸葛亮論

袁孝居

袁子曰或問諸葛亮何如人也袁子曰張飛關羽與劉
備俱起爪牙腹心之臣而武人也晚得諸葛亮因以為
佐相而群臣悅服劉備足信亮足言言故也及其受六尺
之孤攝一國之政事危重之責重權而不失禮行君事
而國人無疑如此則以為君臣百姓之心欣載之矣行
法嚴而國人悅服用民盡其力而不怨及其兵出入
如賓行不敵芻蕘者不獵如社國中其用兵也止如山
進退如風兵出之日天下震動而人心不憂亮死至今
數十年國人歌思如周人之思召公也孔子曰雍也可

使南面諸葛亮有焉又問諸葛亮始出瀘南安天水
安定三郡人反應之若亮速進則三郡非中國之有也
而亮徐行不進雙而官兵止體三郡復元無尺寸之功
失此機何也袁子曰蜀兵既脫良將必亮始出未知中
國疆弱是以疑而嘗之且大會者不求近功所以不進
也曰何以知其疑也袁子曰初出逢重屯營重複後轉
降未進兵欲戰亮勇而能關三郡以而不速應此其疑
徵也曰何以知其勇而能關也袁子曰亮之在街亭也
前軍大破亮屯去數里不救官兵相接又徐行此其勇
也亮之行軍安靜而堅重安靜則易動堅重則可以進
退亮法令明賞罰信士卒用命赴險而不顧此所以能
關也曰亮帥數萬之衆其所與造者數十萬之功是其
奇者也所至營壘井窳閭涵藩籬障塞皆應繩墨一月
之行去之如始至勞費而徒為飾好何也袁子曰蜀人
輕脫亮故堅用之曰何以剛其然也袁子曰亮治實而
不治名志大而所欲遠非求近速者也曰亮好治官府
次舍橋梁道路此非急務何也袁子曰小國賢才少故
欲其尊嚴也亮之治蜀田疇辟倉廩實器械利蓄積饒
朝會不華路無醉人夫本立故末治有餘力而後及小
事此所以勸其功也曰子之論諸葛亮則有證也以亮
之才而少其功何也袁子曰亮立本者也其於應變則
非所長也故不敢用其短曰然則吾子美之何也袁子
曰此固賢者之遠矣安可以備體責也夫能知所短而
不用此賢者之大也知所短則知所長矣夫前識與言

而不中亮之所不用也此吾之所謂可也

神滅論

范子真

或問予云神滅何以知其滅也答曰神即形也形即神也是以形存則神存形謝則神滅也問曰形者無知之稱神者有知之名知與無知即事有異神之與形理不容一形神相即非所聞也答曰形者神之質神者形之用是則形稱其質神言其用形之與神不得相異也問曰神故非用不得為異其義安在答曰名殊而體一也問曰名既已殊體何得一答曰神之於質猶利之於刀形之於用猶刀之於利利之名非刀也刀之名非利也然而捨利無刀捨刀無利未聞刀没而利存豈容形亡而神在問曰刀之與利或如來說形之與神其義不然何以言之木之質無知也人之質有知也人既有如木之質而有異木之知豈非木有一人有二邪答曰異哉言乎人若有如木之質以為形又有異木之知以為神則可知來論也今人之質質有知也木之質質無知也人之質非木質也木之質非人質也安有如木之質而復有異木之知哉問曰人之質所以異木質者以其有知耳人而無知與木何異答曰人無無知之質猶木無有知之形問曰死者之形骸豈非無知之質邪答曰是無人質問曰若然者人果有如木之質而有異木之知矣答曰死者如木而無異木之知生者有異木之知而無如木之質也問曰死者之骨骼非生之形骸邪答曰生形之非死形死形之非生形匿已革矣安有生人之

形骸而有死人之骨骼哉問曰若生者之形骸非死者
之骨骼非死者之骨骼則應不由生者之形骸不由生
者之形骸則比骨骼從何而至此邪答曰是生者之形
骸變為死者之骨骼也問曰生者之形骸雖變為死者
之骨骼豈不從生而有死則知死體猶生體也答曰如
因榮木變為枯木枯木之質寧是枯木之體問曰榮體
變為枯體枯體即是榮體絲體變為縷體縷體即是絲
體有何別焉答曰若枯即是榮榮即是枯應榮時凋零
枯時結實也又榮木不應變為枯木以榮即枯無所復
變也榮枯是一何不先枯後榮要先榮後枯何也絲縷
之義亦同此破問曰生形之謝便應豁然都盡何故方
愛死形綿歷未已邪答曰生滅之體要有其次故也夫
歛而生者必歛而滅漸而生者必漸而滅歛而生者驟
驟是也漸而生者動植是也有歛有漸物之理也問曰
形即是神者乎等亦是邪答曰皆是神之分也問曰若
皆是神之分神既能慮手等亦應能慮也答曰手等亦
應能有痛癢之知而無是非之慮問曰慮為一為異答
曰知即是慮淺則為知深則為慮問曰若爾應有二乎
答曰人體惟一神何得二問曰若不得二安有痛癢之
知復有是非之慮答曰如手足雖異總為一人是非痛
癢雖復有異亦總為一神矣問曰是非之慮不關手足
當關何處答曰是非之意心器所主問曰心器是五臟
之心非邪答曰是也問曰五臟有何殊別而心獨有是
非心慮乎答曰七竅亦復何殊而司用不均問曰慮思

無方何以知是心器所主荅曰五臟各有所司無有能
慮者是以心為慮本問曰何不寄在眼等分中荅曰若
慮可寄於眼分何故不寄於耳分邪問曰慮體無本故
可寄之於眼分眼目有本不假寄於他分也荅曰眼何
故有本而慮無本苟無本於我形而可徧寄於異地亦
可張甲之情寄王乙之軀李丙之性託趙丁之體然乎
哉不然也問曰聖人形猶凡人之形而有凡聖之殊故
知形神異矣荅曰不然金之精者能昭機者不能昭有
能昭之精金寧有不昭之穢質又豈有聖人之神而寄
凡大之器亦無凡人之神而託聖人之體是以八采重
瞳助華之容龍顏馬口軒皞之狀形表之異也比干之
心七寶列宿自約之膽其大若掌此心器之殊也是知

聖人定分每絕常區非惟道革群生乃亦形超萬有凡
聖均體所未敢安問曰子云聖人之形必異於凡者敢
問陽貨類仲尼項籍似大舜項孔陽智革形同其故何
邪荅曰珉似玉而非玉雞類鳳而非鳳物誠有之人故
宜爾項陽貌似而非實似心器不均雖貌無益問曰凡
聖之殊形器不一可也貞極理無有二而丘且殊姿湯
文異狀神不侔色於此益明矣荅曰聖同於心器形不
必同也猶馬殊毛而齊逸玉異色而均美是以晉棘荆
和等價連城驂騮盜驪俱致千金問曰形神不二既聞
之矣形謝神滅理固宜然敢問經云為之宗廟以鬼饗
之何謂也荅曰聖人之教然也所以彌孝子之心而厲
偷薄之意神而明之此之謂矣問曰伯有被甲彭生豕

見墳素著其事寧是設教而已邪答曰妖恠茫茫或存
或亡疆死者衆不皆為鬼彭公並有何獨能然乍為人
豕未必齊鄭之公子也問曰易稱故知鬼神之情狀與
天地相似而不違又曰載鬼一車其義云何答曰有禽
焉有獸焉飛走之別也有人焉有鬼焉幽明之別也人
滅而為鬼鬼滅而為人則未之知也問曰知此神滅有
何利用邪荅曰浮屠害政桑門蠹俗風驚霧起馳蕩不
休吾哀其弊思拯其溺夫竭財以赴僧破產以趨佛而
不恤親戚不憐窮匱者何良由厚我之情深濟物之意
淺是以圭撮涉於貧友吝情動於顏色千鍾委於富僧
歡意暢於容髮豈不以僧有多餘之期友無遺棄之報
務施闕於周急歸德必於在已又惑以茫昧之言懼以
阿鼻之苦誘以虛誕之辭欣以堯率之樂故捨逢掖襲
橫衣廢俎豆列餅鉢家家弃其親愛人人絕其嗣續致
使兵挫於行問更空於官府粟罄於墮游貨殫於泥木
所以姦宄弗勝頌聲尚擁惟此之故其流莫已其病無
限若陶甄稟於自然森羅均於獨化忽焉自有悅爾而
無來也不禦去也不遣乘夫天理各安其性小人甘其
壟畝君子保其恬素耕而食食不可窮也蠶而衣衣不
可盡也下有餘以奉其上上無為以待其下可以全生
可以匡國可以霸君用此道也

王何論

范武子

或曰黃道緬邈至道淪賢濠濮較詠風流靡託爭奪兆
於仁義是非成心儒墨平叔神懷超絕輔嗣妙思通微

振千載之頽綱落周孔之塵網斯蓋軒冕之龍門豪梁之宗匠嘗聞夫子之論以為罪過桀紂何哉荅曰子信有聖人之言乎夫聖人者德侔二儀道冠三才雖帝皇殊號質文異制而經天成務曠代齊趣王何蔑棄典文不遵禮度游辭浮說波蕩後生飾華言以翳實騁繁文以惑世縉紳之徒翻然改轍洙泗之風緬焉將墜遂令仁義幽淪儒雅蒙塵禮壞樂崩中夏傾覆古之所謂言偽而辯行僻而堅者其斯人之徒歟昔夫子斬少正於魯太公戮華士於齊豈非曠世而同誅乎桀紂暴虐正足以滅身覆國為後世鑒戒耳豈能廻百姓之視聽哉王何叨海內之浮譽資膏粱之傲誕畫蠅魅以為巧扇無檢以為俗鄭聲之亂樂利口之覆邦信矣哉吾國以為一世之禍輕歷代之罪重自喪之釁小迷衆之愆大也

演慎論

傅季友

大道有言慎終如始則無敗事矣易曰括囊無咎慎不害也又曰藉之用茅何咎之有慎之至也文王小心大雅詠其多福仲由好勇馮河貽其苦箴虞書著慎身之譽周廟銘陞坐之側因斯以談所以保身全德其莫尚於慎乎夫四道好謙三材忌滿祥萃虛室鬼瞰高屋豐屋有蔀家之灾鼎食無百年之賢然而徇欲厚生者忽而不戒知進忘退者曾莫之懲前車已摧後鑿不息乘危以庶安行險而徼幸於是有顛墜覆亡之禍殘生天命之興其故何哉流弱忘反而以身輕於物也故昔之

君子同名爵於香餌故傾危不及思憂患而豫防則針石無用洪流壅於涓涓合拱挫於纖葉介焉是式色斯而舉脍高鳥以風逝鑑醴酒而投絃天豈蔽著而後謀通患結而後思復云爾而已哉故詩曰慎爾侯度用戒不虞言防萌也夫單以營內喪表張以治外失中齊秦有守一之敗偏恃無兼濟之功冰炭滌於曾心巖壻絕於四體夫然故形神偕全表裏寧一營魄內澄百骸外固邪氣不能襲憂患不能及然可以語至而言極矣夫以嵇子之抗心希古絕羈獨放五難之根既拔立生之道無累人患殆乎盡矣徒以忽防於鐘呂肆言於禹湯禍機發於豪端逸翩鍛於垂舉觀夫貽書良友則匹厚味於甘醜

其懼患也若無整而乘


奔其慎禍也猶履兵而臨谷或振褐高樓揭竿獨往或保約違豐安于卑位改漆園外楚忌在邇犧商洛遐逝畏此駟馬平仲辭邑殷鑒於崔慶張臨挹滿灼戒乎桑霍若君子覽茲二塗則賢鄙之分既明全喪之實又顯非知之難慎之惟艱慎也者言之樞管乎夫據圖揮乃愚天弗為臨淵登峭莫不惴慄何則害交故慮篤患切而懼深故詩曰不敢暴虎不敢馮河慎微之謂也故庖子涉族怵然為戒差之一毫弊猶如此况乎觸害犯機自投死地禍福之以內充外斥陵丸折於耶棘泛衝波於呂梁傾側成於俄頃性命衰而莫救嗚呼嗚呼故語有之曰誠能慎之福之根也曰是何傷禍之門爾言慎而已矣

廣文選卷第六十八

三

廣文選卷第六十八

江都葛澗校



[Faint, mostly illegible vertical text columns, likely bleed-through from the reverse side of the page.]

